

摘藻堂四庫全書薈要

經部

欽定四庫全書薈要

經部

周易會通卷十一

詳校官祭酒

臣韋謙恒



欽定四庫全書薈要卷四百三十一

經部

周易經傳集程朱解附錄纂註卷十一

元 董真卿 撰



兌下

兌上

程子曰兌序卦巽者入也入而後說之故受之以兌兌者說也物相入則

兌

相說則相入

兌亨利貞

○音訓兌

集解

程子曰兌

兌所以次巽也

陸徒外反

說也說致

亨之道也能說於物物莫不說而與之足以致亨然為

說之道利於貞正非道求說則為邪諂而有悔咎一作

各故戒利貞也○朱子曰兌說也一陰進乎二陽之上

喜之見乎外也其象為澤取其說萬物又取坎水而塞

其下流之象卦體剛中而柔外剛中故說而亨柔外故

利於貞蓋說有亨道而其妄說不可以不戒故其占如

此又柔外故為說亨剛附錄朱子語川壅為澤坎為川中故利於貞亦一義也

下一畫閉合時便成兌卦纂註李氏舜臣曰以陽下陰便是川壅為澤之象淵

纂註

李氏舜臣曰以陽下陰

猶咸之所以為亨又曰三女之卦彖辭必以正者戒之蓋陰柔之性多无所守而兌說之質最為易流乃若三男之卦則直論其卦之德而不復戒之以利貞者陽剛之性不至於牽溺也○朱氏曰二五剛中而五又正乃戒以利貞在二三四不正初九和兌吉集解程子曰初則陷於邪諂悔吝將生

初九和兌吉集解

程子曰初

說體而在最下无所係應是能卑下和順以為說而无所偏私者也以和為說而无所偏一無偏字私說之正也陽剛則不卑居下則能巽處說則能和无應則不偏處說如是所以吉也○朱子曰以陽爻居說體而處最下又无係應故其象占如此

纂註

蔡氏曰爻位皆剛不比於柔得說之正和而不流於邪者也故吉○



馮氏當可曰與二相比和同无間故曰和兌心懷疑阻而面相說者誠小人也初以陽德處下无欲於三元嫌於二是樂易君子謙退溫恭以待物之象也○雙湖先生曰兌自有和義和獨於初言者以其得陽剛之正具和說之體故首言之且為吉占也

### 九二孚兌吉悔亡集解

程子曰二承比陰柔陰柔

小人也說之則當有悔二剛中之德孚信内充雖比小人自守不失君子和而不同說而不失剛中故吉而悔亡非二之剛中則有悔矣以自守而亡也○朱子曰剛中為孚居陰為悔占者以孚而說則吉而悔亡矣

註

錢氏曰中實為孚二五剛中故皆曰孚○李氏過曰二應五君臣同德而相說孚兌之吉也○張子曰私

係於近悔也誠於接物

### 六三來兌凶集解

程子曰六三陰柔不中正

之人說不以道者也來兌就之以求說也比於在下之陽枉已非道就以求說所以凶也之內為來上下俱陽

而獨之內者以同體而陰性一作性陰下也失道下行也○朱子曰陰柔不中正為兌之主上无所應而反來就二陽以求纂註王氏宗傳曰六三居兩兌之間一兌

說凶之道也既盡一兌復來故曰來兌夫上下四剛皆君子也三以小人廁乎其間而位則不當左右逢迎惟以容說為事此小人之失正者故於兌為凶九

# 四商兌未寧介疾有喜

○音訓商陸氏曰如字商量也鄭云隱度也介陸氏曰音界隔

也馬云大也

## 集解

程子曰四上承中正之五而下比柔邪之三雖剛陽而處非正三陰柔陽所說也故

不能決而商度未寧謂擬議所從而未決未能有定也兩間謂之介分限也地之界則如田義乃同也故人有節守謂之介若介然守正而疾遠邪惡則有喜也從五正也說三邪也四近君之位若剛介守正疾遠邪惡將得君以行道福慶及物為有喜也若四者得失未有定繫所從耳○朱子曰四上承九五之中正而下比六三

之柔邪故不能決而商度所說未能有定然質本陽剛故能介然守正而疾惡柔邪也如此則有喜矣象占如此為戒

**纂註**

徐氏曰天下之理是非不兩立公私不並行好善則疾惡從正則遠邪此君子小人

之分也然邪念未易去也自非介然剛特有守之君子鮮不為邪柔之所移奪一牽於柔則將淪胥而為小人之歸矣豈不可畏哉況夫以陽剛之才處近君之位詔王以八柄馭臣者也所以奔走服役於其下而求說於我者无所不至況又與之親比者乎商兌未寧正天理人慾公私界限處不可不審所從也聖人以介疾有喜言之所以開示正道隄防邪心其意切矣○李氏椿年曰兌正秋也於五音為商○馮氏椿曰兌正秋中二爻當八月之氣故因取商象○許氏曰九四處下而說則有樂天之美處上而說則有慕爵之嫌初九雖无應猶可也九四雖有應尚多戒辭也然以剛說之才易得勝任故有應者无不言而无應者亦有免之之道云○項

氏曰介人守以為限別豫六二中正自別故為介石晉  
六二守中正以俟上之明卒受其福故為介福此爻守  
不正之位不  
動故為介疾  
**九五孚于剝有厲集解**  
程子曰九五得尊  
位而處中正盡說

道之善矣而聖人復設有厲之戒蓋堯舜之盛未嘗无  
戒也戒所當戒而已雖聖賢在上天下未嘗无小人然  
不敢肆其惡也聖人亦說其能勉而革面也彼小人者  
未嘗不知聖賢之可說也如四凶處堯朝隱惡而順命  
是也聖人非不知其終惡也取其畏罪而強仁耳五若  
誠心信小人之假善為實善而不知其包藏則危道也  
小人者備之不至則害於善聖人為戒之意深矣剝者  
消陽之名陰消陽者也蓋指上六故孚于剝則危也以  
五在說之時而密比於上六故為之戒雖舜之聖且畏  
巧言令色安得不戒也說之惑人易入而可懼也如此  
朱子曰剝謂陰能剝陽者也九五陽剛中正然當說  
之時而居尊位密近上六上六陰柔為說之主處說之

極能妄說以剥陽者也故其占

**纂註**

徐氏曰上柔處說之極无他係應惟

附五以求說也五位雖當上柔親附說而信之必至剥剛故曰孚于剝○許氏曰九五下履不正之強輔上比

柔邪之小人非君道之善道也然以其中正也故下有忌而可勝上有說而可決大哉中正之為德乎○程氏

曰二五同為陰所乘而所孚不同者二陰位不過剛故孚五以剛居陽故孚于剝孔子謂位正當者如此上

**六引兌集解**

程子曰它卦至極則變兌為說極則愈說上六成說之主居說之極說不知已者也

故說既極矣又引而長之然而不至悔咎何也曰方言其說不知已未見其所說善惡也又下乘九五之中正无所施其邪說六三則承乘皆非正是以有凶○朱子曰上六成說之主以陰居說之極引下二陽相與為說而不能必其從也故九五

**纂註**

毛氏曰所以為兌者三當戒而此爻不言其吉凶與上也三為內卦故曰

來上為外卦故曰引○雙湖先生曰如毛氏說則三之來兌是欲來上六以為說上之引兌是欲引六三以為說也橫渠漢上誠齋皆作引六三之小人以為各從其類亦通

大象傳麗澤兌君子以

朋友講習

○音訓麗陸氏曰如字麗連也鄭作離云猶併也

集解

程子曰麗澤二澤相附麗

也兩澤相麗交相浸潤互有滋益之象故君子觀其象而以朋友講習朋友講習互相益也先儒謂天下之可說莫若朋友講習朋友講習固可說之大者然當明相益之象○朱子曰兩澤相麗互相滋益朋友講習其象如此附錄程子語天下之說不可極惟朋友講習雖過說无害兌澤有相滋益處一本注云兌澤有自相

滋益之意語錄

纂註

蔡氏曰講兌象習重兌象○徐氏曰天下之至可說者无如朋友講習講而不習則

言語徒詳細繹无得雖曰為學亦將枯燥生澁而无可嗜之味危殆机穽而无可即之安矣豈能終悅懌於心

乎故必從容論說以講之於先又必切實體驗以習之於後則心與理相涵而所知者益精身與事相安而所能者益固麗澤之益庶乎其有相滋之實而真說在我矣

**彖傳允說也**

**集解** 朱子曰釋卦名

義剛中而柔外說以利貞是以順乎天而應乎人說以

先民民忘其勞說以犯難民忘其死說之大民勸矣哉

○音訓先陸西薦反

**集解**

程子曰允之義說也一陰居

又如字難陸乃旦反

二陽之上陰說於陽而為陽

所說也陽剛居中中心誠實之象柔爻在外接物和柔之象故為說而能貞也利貞說之道宜正一作貞也卦有剛中之德能貞者也說而能貞是以上順天理下應人心說道之至正至善者也若夫遠道以千百姓之譽者苟說之道遠道不順天干譽非應人苟取一時之說耳非君子之正道君子之道其說於民如天地之施感

於其心而說服无數故以之先民則民心說隨而忘其  
勞率之以犯難則民心一无心守說服於義而不恤其  
死說道之大民莫不知勸勸謂信之而勉力順從人君  
一作君人之道以人心說服為本故聖人贊其大○朱

子曰以卦體釋

**附錄**

朱子語說若不剛中便是違道干  
譽淵允說若不是剛中便成邪媚

下面許多道理都從這箇剛中柔外來說以先民如利  
之而不庸順天應人革卦就革命上說兌卦就說上說  
後人都做應天順人

**纂註**

徐氏曰剛中二五也柔外三  
上也剛中而柔外則立已者

正而說人者非邪矣○李氏舜臣曰柔外故能說剛中  
故能利貞內剛而利貞者說之以道也若柔見乎外而  
內不剛是乃所以為佞說之說非和說之說也要必剛  
實在中外雖和而中有守是以和而不流此說之出于  
貞而與天人合也○馮氏椅曰所謂民勸者蓋父詔其  
子兄語其弟妻勉其夫朋友亦以是相責也○李氏曰



民至相勸以從上令何事而不可成聖人所以大之也  
○項氏曰革與兌皆言順天應人者兌二至上互革○  
雙湖先生曰上六天位順乎天之象六三人位應乎人  
之象說以先民亦三也三在人位下有民象自三至上  
似坎有犯難之象○楊氏萬里曰天人俱說是惟无事  
无難也有事而與民趨之則勞而忘勞有難而與民犯  
之則死而忘死忘勞非人之情也而忘之者說而不自  
知其勞且死也曷為而說也知聖人勞我以逸我死我  
以生我也是以說而自勸也夫勸民與民自勸  
相去遠矣是以聖人大之曰說之大民勸矣哉

### 小象傳

### 和兌之吉行未疑也集解

程子曰有求而和則涉於邪  
諷初隨時順處一作處順心

无所係无所為也以和而已是以吉也象又以其處說  
在下而非中正故云行未疑也其行未有可疑謂未見  
其有失也若得中正則无是言也說以中正為本文直  
陳其義象則推而盡之○朱子曰居卦之初其說也正

未有所  
疑也  
**纂註**  
蔡氏曰初未牽於陰所行未有孚兌之吉疑惑若四比三有商兌之疑矣  
**孚兌之吉**

**信志也集解**  
程子曰心之所存為志二剛實居中孚信存於中也志存誠信豈至說小人而自失

乎是以  
吉也  
**來兌之凶位不當也集解**  
程子曰自處不中正无與而妄求說所以

凶  
**九四之喜有慶也集解**  
程子曰所謂喜者若守正而君說之則得行其剛陽之道

而福慶  
及物也  
**孚于剥位正當也集解**  
程子曰戒孚于剥者以五所處之位正當戒也

密比陰柔有相說之道故戒在  
信之也○朱子曰與履九五同  
**上六引兌未光也集解**

程子曰說既極矣又引而長之雖說之之心不已而事理已過實无所說事之盛則有光輝既極而強引之長

其无意味甚矣豈有光也未非必之辭  
象中多用非必能有光輝謂不能光也  
**纂註**  
馮氏曰小人欺蔽其

君厭然掩其陰柔晦昧之迹卒為陽明之害者皆其心之未光者為之也

經



坎下

集解

程子曰渙序卦兌者說也說而後散之故受之以渙說則舒散也人之氣

憂則結聚說則舒散故說有散義渙所以繼兌也為卦巽上坎下風行於水上水遇風則渙散所以為渙也

渙亨王假有廟利涉大川利貞

○音訓渙陸氏曰呼亂反散也離宮五世卦假

陸氏曰庚白反彖同梁武帝音賈

集解

程子曰渙離散也人之離散由乎中心離則散矣治乎散亦

本於一作必由中能一有利貞字收合人心則散可聚也故卦之義皆主於中利貞合渙散之道在乎正固也○朱子曰渙散也為卦下坎上巽風行水上離披解散之象故為渙其變則本自漸卦九來居二而得中六往居三得九之位而上同於四故其占可亨又以祖考之精神既散故王者當至于廟以聚之又以巽木坎水舟

楫之象故利涉大川其曰

**附錄**

朱子語此卦只是卜祭吉又更宜涉川淵問萃

言王假有廟是卦中萃聚之象故可以為聚祖考之精神而享祭之吉占渙卦既散而不聚本象不知何處有

立廟之義恐是卦外立意謂渙散之時當聚祖考之精神耶為復是下卦是坎有幽隱之義因此象而設立廟

之義耶曰坎固是有鬼神之義然此卦未必是因此為義且作因渙散而立廟說大抵這處都見不得學蒙

**纂註**

馮氏當可曰渙所以為散者繼兌之後人情說豫則開舒放肆而亂所由生○朱氏曰天下離散不

安其居聖人將以聚之故以宗廟為先宗廟者收其心之渙散而存之也人孰不有父母知報本則知祭祀出於人心復其本心則離散者可合而天下无事矣治渙之道也上為宗廟艮為門闕五王位九五有入自門闕至宗廟得人心而存之象○張氏汝弼曰利貞者九五中正也○李氏舜臣曰十三卦制器舟楫取渙則黃帝

堯舜取此為利涉之用矣又曰萃因民之聚立廟以堅其歸向之心所以為懷保之道渙憂民之散立廟以收拾其蕩析之心所以為招攜之術皆所以統攝民心而堅凝之也○陸氏希聲曰渙萃二卦皆言王假有廟所以明渙萃之理為教化之宗主也○馮氏椅曰易稱有廟說者皆襲焦延壽之說以上九一爻為宗廟愚謂不然宗廟者國之本也其在都邑之中乎渙自二以上有廟之象或又曰自五以下有七廟之象想以畫數三陰爻六畫而一陽爻一畫通為七也蓋三爻之艮為門闕謂一陽爻在上為屋二陰爻在下為闕高巍之象也故萃自四以下互艮渙自五以下約象亦艮也○雙湖先生曰渙有二義卦有因民渙散而萃之意假廟是也又有渙天下患難之意涉川是也爻則全以渙為美事各有不同不可以一例觀之也○趙氏曰天下之難非陽剛得位莫能濟故難之散也則為渙及其下之聚也則為萃二卦之辭略同然渙言亨者一萃則再言之渙言

利者二萃則三言之渙言王假有廟萃則加以  
用大牲之辭以是知渙而後萃誠有其序也

初六用

拯馬壯吉

○音訓拯陸氏曰拯救之拯馬云舉也伏曼容云濟也王肅云拔也子夏作拊拊取也

集解

程子曰六居卦之初渙之始也始渙而拯之又得馬壯所以吉也六爻獨初不云渙者離散之勢辨

之宜早方始而拯之則不至於渙也為教深矣馬人之所託也託於壯馬故謂拯渙馬謂二也二有剛中之才初陰柔順兩皆无應无應則親比相求初之柔順而託於剛中之才以拯其渙如得壯馬以致遠必有濟矣故吉也渙拯於始為力則易時之順也○朱子曰居卦之初渙之始也始渙而拯之為力既易又有壯馬其吉可知初六非有濟渙之才但能

纂註

蔡氏曰拯救也馬所用以行者馬壯則行

速言用救渙之急也○雙湖先生曰馬坎象前互震亦象馬明夷二至四互坎三至五互震故其象同詳見明

夷六 二爻 九二渙奔其机悔亡

○音訓机 陸音凡

集解

程子曰諸爻

時也而處險中其有悔可知若能奔就所安則得悔亡也机者俯憑以為安者也俯就下也奔急往也二與初雖非正應而當渙離之時兩皆无與以陰陽親比相求則相賴者也故二目初為机初謂二為馬二急就於初以為安則能亡其悔矣初雖坎體而不在險中也或疑初之柔微何足賴蓋渙之時合力為一作而勝先儒皆以五為机非也方渙離之時二陽豈能同也若能同則成濟渙之功當大一有吉字豈止悔亡而已机謂俯就也○朱子曰九而居二宜有悔也然當渙之時來而不窮能亡其悔者也故其象占如此蓋九奔而二机也

纂註

王氏安石曰奔速辭剛能速者也○朱氏曰震足動奔也互震○張子曰奮於坎中進而之前則難

解悔亡若退累於初險不能出其悔終存○馮氏椅曰自王輔嗣曰机承物者也後來諸儒皆以案几為說且

於文義紛紛无一定之論王輔嗣胡安定程河南蘓東坡以初六為机龔深父耿希道洪成季以九五為机朱子發以六四為机朱晦翁又以九奔而之二即机也机說文本也山海經曰族菌之山多松柏机粗二字義不相蒙周官五几亦不從木然则机木也人之離家困於道途则依木以休息詩所謂南有喬木不可休息是也○雙湖先生曰坎自是堅多心木因初六株木亦坎體渙互震亦木象上巽亦是木若如厚齋所說不知指何卦為机木看来初在陰下既取馬壯為吉則是貴其去險也二在險中曰奔其机豈非欲其速奔出險而亡其悔乎则机木指巽矣同德

### 六三渙其躬无悔集解

程子曰三

在渙時獨有應與无渙散之悔也然以陰柔之質不中正之才上居无位之地豈能極時之渙而及人也止於其身可以无悔而已上加渙字在渙之時躬无渙之悔也○朱子曰陰柔而不中正有私於已之象也然居得



陽位志在濟時能散其私以得无悔故其占  
如此大率此上四爻皆因渙以濟渙者也

纂註  
李氏

曰坎二陰本為險陷三居坎上近接乎巽坎水得風而  
散巽木得水而通故能渙散其身出險自无悔吝作易  
者教之以往為上九之應而離險難者乎○陳氏友文  
曰已私散則為善三之躬四之羣上之血是也夫人之  
所以膠執蔽固終不能自脫於險者有我而已六三雖  
不中正而高出坎險之上於是釋然消散其有我之私  
而志在於外自然无悔矣○胡氏允曰蒙六三曰不有  
躬渙六三曰渙其躬蓋蒙以艮坎成卦渙初至五亦艮  
坎也六四渙其羣元吉渙有丘匪夷所思○音訓有丘陸

匪夷陸氏曰

集解

程子曰渙四五二爻義相須故通言  
之彖故曰上同也四巽順而正居大

臣之位五剛中而正居君位君臣合力剛柔相濟以極  
天下之渙者也方渙散之時用剛則不能使之懷附用

柔則不足為之依歸四以巽順之正道輔剛中正之君臣同功所以能濟渙也天下渙散而能一无能乎使之羣聚可謂大善之吉也渙有丘匪夷所思贊美之辭也丘聚之大也方渙散而能致其大聚其功甚大其事甚難其用至妙夷平常也非平常之見所能思及也非大賢智孰能如是○朱子曰居陰得正上承九五當濟渙之任者也下无應與為能散其朋黨之象占者如是則大善而吉又言能散其小羣以成大羣使所散者聚而若丘則非常人

**附錄**

朱子語老蘇云渙之六四曰渙思慮之所及也其羣元吉夫羣者聖人之所欲

渙以混一天下者也此說雖程傳有所不及如程傳之說則是羣其渙非渙其羣也蓋當人心渙散之時各相朋黨不能混一惟六四能渙小人之私羣成天下之公道此所以元吉也大抵渙卦上三爻是以渙濟渙也道夫渙其羣老蘇說是渙了小小底羣隊併做一箇東坡所謂合小以為大大以為一且如我太祖取蜀取江南

皆是渙其羣渙有丘之義 渙其羣言散小羣做大羣

如將小物事幾把解來合做一大把東坡說這一爻最

好緣他會做文字理會得文勢故說得合 渙有未

見有大好處今爻辭却說得浩大皆不可曉 並易說纂

註 徐氏曰羣同類也丘聚之高也夷等夷也猶豐九四

遇其夷主之夷四本居二與初三皆柔同類而等夷

者也今柔進居四散其同類之私羣而上聚乎五故元

吉渙下聚上渙有丘也匪夷所思言非其等夷所能思

及此也○馮氏當可曰五在四上高丘之象○張氏汝

弼曰約象為艮艮為丘○朱氏曰五艮為山半山為丘

丘聚也案四在互艮之中取丘象宜矣○余氏曰渙六

四渙其羣謂下卦本坤三陰成羣今二來居四九往居

二是散其羣也昔為否 九五渙汗其大號渙王居无咎

今否既散亦元吉之義

集解 程子曰五與四君臣合德以剛中正巽順之道治

渙得其道矣唯在浹洽於人心則順從也當使號

令洽一作浹於民心如人身之汗浹於四體則信服而從矣如是則可以濟天下之渙居王位為稱而无咎大號大政令也謂新民之大命救渙之大政再云渙者上謂渙之時下謂處渙如是則无咎也在四已言元吉五唯言稱其位也渙之四五通言者渙以離散為害極之使合也非君臣同功合力其能濟乎爻義相頌時之宜也一作而已○朱子曰陽剛中正以居尊位當渙之時能散其號令與其居積則可以濟渙而无咎矣故其象占如此九五巽體有號令之象汗謂如汗之出而不反也渙王居如陸贄所謂散小儲而成大儲之意

附

錄

朱子語渙汗其大號聖人當初就人身上說一汗字為象不為无意蓋人君之號令當出乎人君之中心

由中而外由近而遠雖至幽至遠之處无不被而及之亦由人身之汗出乎中而浹乎四體也道夫渙汗其狀號號令當教如汗之出千毛百竅中迸散出來這箇物出不會反却不是說那號令不當反只是取其如汗之

散出自有不算纂註程氏曰汗由中出決於四體亦由大  
反底意思淵號由君出決於四方○鄭氏東鄉曰

人之一身陽主氣陰主形元氣蒸而為汗流而為血二  
陽散於外故言汗言血二陰分于中故言躬言羣○朱  
氏曰有疾者閉塞不通陽降陰升決於腠理否者亨矣  
否乾陽降二坤陰升四降者成坎坎水決于上下汗出  
之象巽為號陽為大九五出號令者也故曰渙汗其大  
號○雙湖先生曰漢上說象密矣但陽降為坎水不知  
何以必其為汗也正為自陽降陰升上成艮體有身之  
象汗自身出故坎得為汗又成巽體而為號其象方足  
若所謂天地間雷風水火四者皆有聲之大者以故易  
中雖无兌體而或取言鳴號之類必有雷風水火之卦  
此卦大號以巽風且在九五陽爻取也若以正  
位凝命及申命行事為例已是夫子大象矣  
其血去逖出无咎○音訓去陸羌呂  
反逖陸湯歷反

集解

程子曰渙之  
諸爻皆无係

應亦渙離之象唯上應於三三居險陷之極上若下從於彼則不能出於渙也險有傷害畏懼之象故云血惕然九以陽剛處渙之外有出渙之象又居巽之極為能巽順於事理故云若能使其血去其惕出則无咎也其者所有也渙之時以能合為功獨九居渙之極有係而臨險故以能出渙遠害為善也○朱子曰上九以陽居渙極能出乎渙故其象占如此血謂傷害也當作惕與小畜六四同言渙其血則去渙其惕則出也

附錄

朱子語渙卦亦不可曉只以大意看則人之所當渙者莫甚於已私其次便渙散其它羣隊合以成大其次便須渙散其號令與其居積以周於人其次便渙去患害人傑渙是渙散底意思物事有當散底號令當散積聚當散羣隊

纂註

張子曰上若係三害不可免能絕去陰

當散淵

類

遠去其難則可免咎○洪氏曰血者

陰之傷也○張氏汝弼曰巽為風應乎六三之坎坎為血卦風之與血常相為用渙而運之則榮結而聚之則

為害也○陳氏友文曰坎為血卦血指六三遯遠也小象遠害正是以遠釋遯字上雖與三應超處渙上不為所染故渙散其血捨之遠去去坎險之害而得无咎也朱子引小畜文改惕字似未安○蔡氏曰渙散也以成卦言之則在二與四以治渙言之則唯五與四當位故於五曰正位於四曰得位四能渙其羣而上同五能正王位而出令所以濟渙也初與二救渙者也三則自治其渙上則避渙而已

# 大象傳風行水

## 上渙先王以享于帝立廟

○音訓享陸香兩反

### 集解

程子曰風行水上有渙散

之象先王觀是象救天下之渙散至于享帝立廟也收合人心无如宗廟祭祀之報出於其心故享帝立廟人心之所歸也係人心合離散之道无大於此○朱子曰皆所以合其散

### 附錄

程子語萃渙皆享于帝立

廟因其精神之聚而形於此

### 纂註

徐氏曰風行水上渙散披離渙之象也先

王享帝立廟所以合其渙也此誠敬仁孝之至幽元不  
格散无不聚故於彖象中言之○虞氏曰陰上至四承  
五為享帝陽下至二為立廟○朱氏曰享于上帝使人  
知天无二主立廟則人知反本鬼有所歸所以一天下  
之心合天下之渙○劉氏曰巽者潔齊之時故卦有巽  
者多言神事觀曰盥薦升曰用禴巽言史巫○項氏曰  
享帝于郊象巽之高立廟于宮象坎之隱○馮氏曰大  
象別立一意以為用易之方享帝立廟與王假有廟意  
有不

彖傳渙亨剛來而不窮柔得位乎外而上同

○音訓上

陸如字又

集解

程子曰渙之能亨者以卦才如是也渙  
時掌反之成渙由九來居二六上居四也剛陽

之來則不窮極於下而處得其中柔之往則得正位於  
外而上同於五之中巽順於五乃上同也四五君臣之  
位當渙而比其義相通同五乃從中也當渙之時而守  
其中則不至於離散故能亨也○朱子曰以卦變釋卦



辭附錄

朱子語問剛來而不窮窮是窮極來處乎中不

至窮極否曰是居二為中若在下則是窮矣學  
蒙剛來不窮是九三來做二柔得位而上同是六二上  
做三此說有些不穩却為是六三不渙做得位然而某  
這箇例只是一爻互換轉移无那隔薦兩爻底淵九二  
渙奔其机是以卦變言之自三來居二得中而不窮所  
以為安如机之安也六三是自二往居三未為得位以  
其上同於四所以為得位彖辭如此說得密若云上應  
九為上同恐如此跳過了不得此亦是依文解義說終  
是不見得三來居二之為安二之於三為得位是如何  
易纂註 蔡氏曰剛來不窮二也乾交坤而為坎也二在  
說 卦中故不窮柔得位四也坤交乾而為巽也上  
同四上同乎五也○馮氏椅曰以二四往來明卦義不  
窮上同明亨剛來不窮即需剛健不陷義不因窮之象  
又曰觀孔子之彖全在二四兩爻九六往來成夾輔九  
五之功所以亨渙而王者以之假廟以之涉川以之貞

固皆兩爻之力也○雙湖先生曰本義卦變自漸來故指柔為三三却未為得位蔡氏指柔為四則四正得位外謂外卦上同謂上王假有廟王乃在中也集解程子同於五似為得之

王假有廟王乃在中也集解

程子曰王

假有廟之義在萃卦詳矣天下離散之時王者收合人心至於有廟乃是在其中也在中謂求得其中心攝其心之謂也中者心之象剛來而不窮柔得位而上同卦才之義皆主於中也王者極渙之道在得其中而已孟子曰得其民有道得其心斯得民矣享帝立廟民心所歸從也歸人心之道无大於此故云至于有廟極渙之道極於此也○朱附錄朱子語王乃在中是指廟中言王子曰中謂廟中指九五言宜在廟祭祀伊川先生說得那道理多了他見得許多道理了不肯自做他說須要寄搭放在經上易不須說得深只是輕輕地說過

淵纂註

南軒張氏曰夫收天下之心莫若莫宗廟而正王位王乃在所謂中天下而立定四海之民

是利涉大川乘木有功也集解

程子曰治渙之道當濟於險難而卦有乘木濟

川之象上巽木也下坎水大川也利涉險以濟渙也木在水上乘木之象乘木所以涉川也涉則有濟渙之功

卦有是義纂註郭氏京曰利涉大有是象也

小象傳初六之吉順

也集解

程子曰初之所以吉者以其能順從剛中之才也始渙而用極能順乎時也

渙奔其

机得願也集解

程子曰渙散之時以合為安二居險中急就於初求安也賴之如机而亡其悔

乃得所願也

渙其躬志在外也集解

程子曰志應於上在外也與上相應故其身得

免於渙而无悔悔亡者本有而得亡无悔者本元也附錄

朱子語六三渙其躬志在外也是舍己從人意

思易說

渙其羣元吉光大也集解

程子曰稱元吉者謂其功德光大也元吉光大

不在五而在四者二爻之義通言也於四  
言其施用於五言其成功君臣之分也  
王居无咎正

位也集解

程子曰王居謂正位人君之尊位也能  
如五之為則居尊位為稱而无咎也

附錄

朱子語散居積須是在它正位方可九五象王居无  
咎只是節做四字句伊川泥其句所以說得王居无  
咎只是如上九象亦自節纂註王氏曰為渙之主惟王居  
了字則此何疑並易說纂註之乃得无咎正位不可以  
假人也○郭氏雍曰王居渙號則渙其血遠害也○音  
正位以令天下得君道也故无咎  
陸象  
萬反  
集解  
程子曰若如象文為渙其血乃與屯其膏同  
也義則不然蓋血字下脫去字血去惕出謂  
能遠害則  
无咎也

經

三

兌下  
坎上

集解

程子曰節序卦渙者離也物不可以  
終離故受之以節物既離散則當節

止之節所以次渙也為卦澤上有水澤之容有限澤上置水滿則不容為有節之象故為節

節亨苦

節不可貞

○音訓節陸氏曰薦絜反止也明禮有制度之名一云分段支節之義坎宮一世卦

集

解

程子曰事既有節則能致亨通故節有亨義節貴適中過則苦矣節至於苦豈能常也不可固守以為常

不可貞也○朱子曰節有限而止也為卦下兌上坎澤上有水其容有限故為節節固自有亨道矣又其體陰陽各半而二五皆陽故其占得亨然至於太甚則苦矣故又戒以不可守以為貞也

纂註

王氏大實曰節

止也剛動而止於五得中以節節之義也剛以中通亨之象上六過中而柔苦節不可貞之象○朱氏曰凡物過則苦味之過正形之過勞心之過思皆曰苦苦節則違性情之正物不能堪申屠狄之潔陳仲子之廉非不正立節太苦不可貞也○李氏舜臣曰以坎遇巽此坎水得巽風而散者也故其卦為渙以坎乘兌此坎水得

兌澤而止者也故其卦為節

初九不出戶庭无咎集解

程子曰戶庭

庭門內一作外之庭初以陽在下上復有應非能節者

也又當節之初故一无故字戒之謹守至於不出戶庭

則无咎也初能固守終或渝之不謹於初安能有卒故

於節之初為戒甚嚴也○朱子曰戶庭戶外之庭也陽

剛得正居節之初未可以行能纂註馮氏猗曰說文戶

節而止者也故其象占如此護也半門為戶戶

今之房門庭今堂前也○李氏光曰以陽剛之才上有

其應而險難在前不可往也自守以正慎密而不出此

盡節之道也故可无咎○王氏安石曰九二近而不相

得隔塞之時也○龍氏仁夫曰天地間陰陽通塞有自

然之象君子進退行藏有一定之理所謂節也若宜止

而出宜出而止則非其理矣戶庭之象其前壅塞止而

不出可也故為无咎之占○馮氏當可曰初則二蔽之

二則无蔽之者二猶戶三猶門四猶路也○雙湖先生

曰爻辭取門戶象初不繫有艮體但本爻前陽爻則為戶陰爻則為門同人初九于門隨初九出門皆前有六二也明夷六四出門庭前有六五也若節初戶庭前有九二節二門庭前有六三也其例昭然矣今觀九二一爻橫於初九之前亦有戶閉而不通之象又前有名九山大川之險艮又止其前故初二皆有不出之象

## 二不出門庭凶集解

程子曰二雖剛中之質然處陰居說而承柔處陰不正也居說失剛

也承柔近邪也節之道當以剛中正二失其剛中之德與九五剛中正異矣不出門庭不之於外也謂不從於五也二五非陰陽正應故不相從若以剛中之道相合則可以成節之功唯其失德失時是以凶也不合於五乃不正之節也以剛中正為節如懲忿窒慾損過抑有餘一作並不及是也不正之節如嗇節於用懦節於行是也○朱子曰門庭門內之庭也九二當可行之時而失剛不正上元應與知節而不知通故其象占如此

附錄

朱子語戶庭是初爻之象門庭是第二爻之象戶庭未出去在門庭則已稍出矣就爻位上推戶庭

主心門庭主事

淵問

君子之道貴乎得中節之過雖非

中道然亦愈於不節者如何便會凶如九二不出門庭

雖是失時亦未失為恬退守節者乃以為凶何也先生

沉思良久曰這處便局定不得若以占言之且只寫下

少間自有相應處眼下皆未見得若以道理言之則有

可為之時乃不出而為之這便是凶之道不是別更有

凶又曰時乎時乎不纂註

馮氏椅曰雙扉曰門戶內門

再來如何可失

易說

外也門今堂門庭前猶今廳

前接物之所也○李氏光曰互震為足可行而不行凶

道也○余氏曰戶指二門指三戶陽而門陰也以月令

之祀觀之可見○南軒張氏曰處節之道要知時識變

故曰當位以節中正以通初九无位之人雖慎密不出

戶庭而亦无咎九二有位大臣則不出門庭為凶蓋處

顏子之世不可為禹稷之事當禹稷之位不可守顏子



之節反是失節矣

# 六三不節若則嗟若无咎集解

程子曰六三不中正乘剛

而臨險固宜有咎然柔順而和說若能自節而順於義則可以无過不然則凶咎必至可傷嗟也故不節若則

嗟若已所自致无所歸咎也○朱子曰陰柔而不中正以當節時非能節者故其象占如此

纂註

徐氏

曰三處說之極不知節者也說極則悲故曰不節若則嗟若不節之嗟已所自致无所歸咎故曰无咎○張氏

汝弼曰兌口嗟之象○馮氏椅曰畫有穴而決之象此不能節者○雙湖先生曰以澤節水故名節其成卦正

在六三一爻今自三爻觀之坎水自溢出於兌澤之上初非三之所能節者故有不節之象但徒見其兌口之

開故又有嗟若之象○李氏彥章曰臨之六三失臨之道而既憂之節之六三失節之道而嗟若皆得无咎易

以補過為善者也

## 六四安節亨集解

程子曰四順承九五剛中正之道是以中正為節也

以陰居陰安於正也當位為有節之象下應於初四坎體水也水上溢為无節就下有節也如四之義非強節之安於節者也故能致亨節以安為善強守而不安則不能常豈能亨也○朱子曰柔順得正上承九五自然有節者也故纂註蔡氏曰安者順而无所勉強之謂當其象占如此纂註位故安得五故亨○馮氏曰節中其節之義在學為不陵節在禮為節文在財為撙節在物為符節在臣為名節在君師為節制唯其時物耳○雙湖先生曰四最先受節者順正故安○李氏光曰居近君之位能以卑遜承上安於臣節者也

# 節吉往有尚集解

程子曰九五剛中正居尊位為節之主所謂當位以節中正以通者也在

已則安行天下則說從節之甘美者也其吉可知以此而行其功大矣故往則有可嘉尚也○朱子曰所謂當位以節中正以通者附錄朱子語安節是安穩自在甘也故其象占如此

## 附錄

朱子語安節是安穩自在甘也故其象占如此

便對那苦甘節與禮之用和為貴相似不成人臣得甘節吉時也要節天下大率人一身土各自有箇當節底

淵

**纂註**

馮氏

椅曰

甘甘之

也其甘

如薺之

甘○鄭

氏剛

曰五

自泰

三升

師心曰甘者人情所尚故往則有尚○丘氏曰五得中

故甘上過中故苦○薛氏曰甘臨而无攸利者在下用

甘以佞進也甘節而行有上六苦節貞凶悔亡集解

尚者在上用甘民說從也

上

六

苦

節

貞

凶

曰上六居節之極節之苦者也居險之極亦為苦義固

守則凶悔則凶亡悔損過從中之謂也節之悔亡與他

卦之悔亡辭同而義異也○朱子曰居節之極故為苦

節既處過極故雖得正而不免於凶然禮奢寧儉故雖

有悔而終**纂註**程氏曰苦節而貞固故凶悔則不為貞

得亡之也**纂註**固之行而亡是凶矣○李氏曰陰性吝

嗇而處上過於節也○趙氏曰三戒不節上戒苦節過

猶不及失均也○王氏湘鄉曰甘節良臣也苦節忠臣

也苦節君子不得已而得之若以為常則凶矣然殺身成仁亦无後悔○馮氏椅曰人情厭苦於所節之象苦苦之也又曰下三爻澤未有水未節者也上三爻有水受節者也故初之戶庭二之門庭皆不出接物三有不節之嗟四始安於節五甘於節上過中亦苦於節自戶而門以至不節自安而甘以至苦節各有序也初不出戶四則安矣皆以下也二不出門五則甘矣以中之正不正也三不安節上則苦矣皆以極也又如渙兩兩相比取象戶與門不與安甘與苦象皆相比以相反○馮氏當可曰爻各相比而相反初與二比初无咎二凶三與四比三不節四安節五與上比五節甘上節苦○雙湖先生曰卦辭戒苦節不可貞上苦節貞凶信苦節不可貞也苦象只取坎伏離二

大象傳澤上有水節君子

以制數度議德行

○音訓澤上有水陸氏曰上或作中字今不用晁氏曰侯云澤中有水隄

防為節也行

# 集解

程子曰澤之容水有限過則盈溢是

陸下孟反

有節故為節也君子觀節之象以制

立數度凡物之大小輕重高下文質皆有數度所以為

節也數多寡度法制議德行者存諸中為德發於外為

行人之德行當義則中

## 纂註

蘭氏曰澤上有水不虛不

節議謂商度求中節也

濫適當其分故謂之節○

蔡氏曰制數度節乎外也兌見象議德行節乎內也坎

心亨象○項氏曰制數度坎之法律也議德行兌之講

習也○董氏曰數度涉於器制之使平則无弊如私量

公量之類德行涉於道議之使中則无弊如過與不恭

之類○王氏宗傳曰數度所以為節也德行欲其中節

也古者之制器用官室衣服也莫不有多寡之數隆殺

之度存乎其間使賤不踰貴下不侵上以是為節故貴

賤上下各安其分存於中為德發於外為行隨時合宜

无過不及則為中節如禹稷之於平世顏子之於亂世

曾子之去子思之守是也而孟子以同道與之其善議

德行也歟

彖傳節亨剛柔分而剛得中集解

程子曰節之道自有亨義事有

節則能亨也又卦之才剛柔分處剛得中而不過亦纂

纂

註馮氏椅曰剛柔分謂乾本純剛坤本純柔則剛柔无

節乾之剛乾亦分三之剛以往五節坤之柔是之謂節也向也坤以柔居中則不能節節所以止其過非剛不

可剛常急於太過今剛當大君之位而得中則无過節之苦斯可通行於天下矣○郭氏雍曰賁與節皆自泰

來賁則柔來文剛剛上文柔節則柔來節剛剛上節柔

夫泰為天地純剛柔之卦賁以剛柔純質而无文故文之節以剛柔過盛而无節故節之彖曰剛柔分而剛得中則知節之名卦以剛柔過盛為義也苦節不

可貞其道窮也集解

程子曰節至於極而苦則不可堅固常守其道已窮極也○朱子曰

又以纂註李氏曰節以甘為吉苦為窮所謂甘節制之  
理言纂註有道使人說而不厭故吉所謂苦節損抑過

常使人惡而不憚故窮○雙湖先說以行險當位以節  
生曰剛中五也過中則苦上窮也

### 中正以通集解

程子曰以卦才言也內兌外坎說以行  
險也人於所說則不知已遇艱險則思

正方說而止為節之義當位以節五居尊當位也在澤  
上有節也當位而以節主節者也處得中正節而能通  
也中正則通過則苦矣○朱子曰又以卦附錄朱子語  
德卦體言之當位中正指五又坎為通說以行

險伊川之說是也說則欲進而以險在前進去不得故  
有止節之義又曰節便是阻節之意問節卦大抵以

當而處通為善觀九五中正而通本義云坎為  
通豈水在中間必流而不止邪曰然並易說纂註郭

京曰中正以通下有然  
後乃亨也一句誤入注天地節而四時成節以制度不

傷財不害民集解

程子曰推言節之道天地有節故能成四時无節則失序也聖人立制度

以為節故能不傷財害民又欲之无窮也苟非節以附制度則侈肆至於傷財害民矣○朱子曰極言節道

錄朱子語天地節而四時成天地轉來到這裏相節了更沒去處今年冬盡了明年又是春夏秋冬到這裏

廝匝了更去不得這箇折做兩截兩截又折做四截便是春夏秋冬它是自然之節初无人使它聖人則因其

自然之節而節之如修道之謂教天秩有禮之類皆是天地則和這箇都无只是自然如此聖人法天做這許

多節措纂註馮氏椅曰以三極推廣卦義天地節前所出來謂坤節乾乾節坤也四時下乾上坤各二

爻不動乾陽成春夏坤陰成秋冬也節以制度以坎節兌坎為法律之象也陽富為財陰貧為民陰陽雖相節而三陰三陽仍在陽不傷陰不害也○潘氏曰論節之義歷家最明二十四氣半謂之節半謂之中蓋物不可



以无節節不可以无中天地節而四時成聖人節而君  
民兩得○楊氏時曰侈用則傷財傷財必至於害民故  
愛人必先  
**小象傳不出戶庭知通塞也集解**  
程子曰爻辭於節之

初戒之謹守故云不出戶庭則无咎也象恐人之泥於  
言也故復明之云雖當謹守不出戶庭又必知時之通  
塞也通則行塞則止義當出則出矣尾生之信一无信  
字水至不去不知通塞也故君子貞而不諒繫辭所解  
獨以言者在人所節唯言與行  
**纂註**  
蔡氏曰塞謂二剛在前○丘氏曰通

塞在時出  
**不出門庭凶失時極也集解**  
程子曰不能上從九五剛中正

處在已  
之道成節之功乃係於私暱之陰柔是失  
時之至極所以凶也失時失其所宜也  
**纂註**  
丘氏曰前无剛

塞可以有行之時也極中也知守  
位之中而不知失時之中故凶  
**不節之嗟又誰咎也**

**集解**

程子曰節則可以免一作无過而不能自節以致可嗟將誰咎乎○朱子曰此无咎與諸爻異言无

咎也

**安節之亨承上道也集解**

程子曰四能安節之義非一象獨舉其重者上

承九五剛中正之道以為節足以亨矣一作是以亨也餘善亦不出於中正也

**甘節之吉居位**

**中也集解**

程子曰既居尊位又得中道所以吉而有功節以中為貴得中則正矣正不能盡中也

**苦節貞凶其道窮也集解**

程子曰節既苦而貞固守之則凶蓋節之道至於窮極矣

**經**

**䷧**

**集解**

程子曰中孚序卦節而信之故受之以中孚節者為之制節使不得過越

也信而後能行上能信守之下則信從之節而信之也中孚所以次節也為卦澤上有風風行澤上而感于水中為中孚之象感謂感而動也內外皆實而中虛為中孚之象又二五皆陽一有而字中實亦為孚義在二體

則中實在全體則中虛中

**附錄**

朱子語一念之間中无

虛信之本中實信之質

私主便謂之虛事皆不

妄便謂之實不是兩件事又曰敬則內欲不萌外誘不

入自其內欲不萌而言則曰虛自外誘不入而言故曰

實只是一時事不可

中孚豚魚吉利涉大川利貞

作兩截看

答德明

中孚豚魚吉利涉大川利貞

訓中

孚陸氏曰方夫反艮宮遊魂

**集解**

程子曰豚蹠魚冥物

卦豚陸氏曰徒尊反黃作遜

之難感者也孚信能

感於豚魚則无不至矣所以吉也忠信可以蹈水火況

涉川乎守信之道在乎堅正故利於貞也○朱子曰孚

信也為卦二陰在內四陽在外而二五之陽皆得其中

以一卦言之為中虛以二體言之為中實皆孚信之象

也又下說以應上上巽以順下亦為孚義豚魚无知之

物又木在澤上外實內虛皆舟楫之象至信可感豚魚

涉險難而不可以失其貞故占者能致豚

**附錄** 朱子語

魚之應則吉而利涉大川又必利於貞也

**附錄**

問孚字

與信字恐亦有別曰伊川云存於中為孚見於事為信  
說得極好因舉字說孚字從爪從子如鳥抱子之象今  
之乳字也一邊從孚蓋中所抱者實有纂註馮氏椅曰  
物也中間實有物所以人自信之學蒙纂註說文為孚

從爪從子此羽族卵化以爪覆子抱卵之象又曰孚卵  
也孚者卵育而化也古蓋以卵為孚在人則性由中而  
發於外而人化之者也孚者彼此相信猶陰陽相資以  
孚也又曰舟中虛則利涉大川此贊意也澤有巨浸如  
震澤彭蠡者大川之象也巽為木為風木得風而行於  
澤上亦所以利涉要當參而觀之又曰中孚之義猶无  
妄也有正有不正如盜賊之相羣男女之相期士夫之  
死黨小人之握手出肺肝相視皆孚之不正者也故曰  
貞吉○毛氏曰說文卵不孚為鰥鰥猶曰失性云耳失  
性者為鰥則不鰥者為孚此孚所以訓信也○李氏舜  
臣曰羽蟲之孚桑渾於內而剛殼於外雌伏啐喙不違  
其自然之期信之最可必者也謂之中孚固宜○吳氏

曰先儒以豚魚為二物實一物耳蓋允澤巽風豚魚生於澤而主風古云江豚魚出而風今江湖行舟之人見江豚作則知風之至天下之物皆有自然之信凡天機之觸天籟之鳴非物能然也皆天理之真天道之妙流行貫通在物有不能違耳○雙湖先生曰案吳氏江豚之說隆山厚齋皆同隆山謂豚魚出則澤上有風之兆中孚之豚魚以巽兌合而為之又謂諸儒注易不究卦本象釋豚魚為二物王弼以下皆然厚齋則謂水陸不相類而象意俱失矣愚謂作江豚說不止風澤之義通蓋巽為魚而生於兌澤則是江豚明矣九家謂巽為魚吉占辭占者得此知有風兆隨事避就故吉涉川又自取巽木行兌澤象利貞主九五一文言亦因以戒諸文之不正者○龍氏仁夫曰王篇江豚一名鱖鯢意亦取專而孚之義歟○愚案朱子及先儒極論孚字爪抱子之象可謂至矣蓋天理自然之信者莫如乳育自人之十月而生以至馬牛野獸物族一介之微雖各不同无

有失期者故備載於家語  
非特卵生之物為然也

初九虞吉有它不燕

○音訓  
它陸音

他集解

程子曰九當中孚之初故戒在審其所信虞度也度其可信而後從也雖有至信若不得其所

則有悔咎故虞度而後信則吉也既得所信則當誠一  
若有它則不得其燕安矣燕安裕也有它志不定也人  
志不定則惑而不安初與四為正應四巽體而居正无  
不善也爻以謀始之義大故不取相應之義若用應則  
非虞也○朱子曰當中孚之初上應六四能度其可信  
而信之則吉復有它焉則失其所以度之之正而不得  
其所安矣戒纂註陸氏希聲曰燕安也有應於四宜從  
占者之辭也纂註之而誠信未通未能及物故自守則  
吉而有它不燕○馮氏椅曰字以羽族孚子為象故六  
爻皆有取於此虞是山虞防守山林護鳥獸之卵胎斧  
斤捕獵非時不得入也是故中二陰爻孚者也卵有孚  
有不孚六三失信不孚者也六四當位孚者也爻之序

自初至上九二得中而先者也故為鳴鶴九五得中而後者也故為子和初在前防其巢者也虞人是也上最後離而飛舉者也翰音之登天是也初當位故吉二陰孚最近者二五是也爪翼覆之而孚於上皆隔一爻非能孚者也故二爻皆不取孚義若不專心致志防護山林而有它志則羣鳥不安矣有應在四故設此戒耳燕或取燕雀之象兌之初七月末社燕猶在也過此之它則巽在東南又明年矣社過則无燕故有不燕之象○雙湖先生曰易只兩虞字屯即鹿无虞及此九二鳴鶴爻虞吉以二爻並觀皆作山虞訓其義乃通

在陰其子和之我有好爵吾與爾靡之

○音訓和陸胡卧反象同好陸

氏曰如字王肅呼報反孟云好小也靡陸氏曰本又作康同亡池反散也干同徐又武寄反又亡彼反韓詩云共也孟同埤蒼作靡云散也陸績作緡京作劇晁氏曰京作靡案靡靡劇靡靡緡七字並同靡音未知古文

用甚集解

程子曰二剛實於中孚之至者也孚至則能感通鶴鳴於幽隱之處不聞也而其子相應

和中心之願相通也好爵我有而彼亦係慕說好爵之意同也有孚於中物無不應誠同故也至誠無遠近幽深之間故繫辭云善則千里之外應之不善則千里違之言誠通也至誠感通之理知道者為能識之○朱子曰九二中孚之實而九五亦以中孚之實應之故有鶴鳴子和我爵爾靡之象鶴在陰謂九居二好爵謂得中靡與縻同言懿德人之所好故好爵附錄朱子語九二雖我之所獨有而彼亦繫戀之也

附錄

朱子語九二雖我之所獨有而彼亦繫戀之也

看來我有好爵吾與爾靡之是兩箇都要這物事所以鶴鳴子和是兩箇中心都愛所以相應如此

纂註

司馬公曰鳴鶴

和亦不可曉好爵爾靡亦不知是

淵纂註

在陰其子和之

說甚底繫辭中又說從別處去

言至誠以待物无遠不應○朱氏曰離為飛鳥震為鶴

見九家鶴古鶴通也列子以鶴為鶴震聲感兌鳴於正



秋九二之象也○馮氏椅曰離為飛鳥正南之卦其宿象爵中孚疊象離故以中虛取鳥字之義其極則聲聞于天之象也中虛則響遠故有鳴和翰音之象爵今人制字為雀古止以爵為文爵如爵祿之爵正猶燕安之燕履之為禮噬嗑之為市合之明比也好爵猶今言美官又曰燕爵皆取飛鳥之象諸爻有應皆有闕隔反无應義唯二五无間隔乃以同德相孚中虛相感故有取鶴鳴子和之象鶴為胎生非也豈有不卵生羽族哉○徐氏曰鶴鳴謂二其子和謂五我有好爵謂五與爾靡之謂二九二以實感九五以實應又卦體中虚无所隔塞有孚于中

六三得敵或鼓或罷或泣或歌

○音訓罷陸氏曰如

自然相應

字王肅音皮徐扶彼

集解

程子曰敵對敵也謂所交孚者正應上九是也三四皆以

虛中為成孚之主然所處則異四得位居正故亡匹以從上三不中失正故得敵以累志一作心以柔說之質

既有所係唯所信是從或鼓張或罷廢或悲泣或歌樂  
動息憂樂皆係乎所信也唯係所信故未知吉凶然非  
明達君子之所為也○朱子曰敵謂上九信之窮者六  
三陰柔不中正以居說極而與之為應故不能自主而  
其象附錄朱子語問中孚六三大義是如何曰所以說  
如此附錄中孚小過皆不可曉便是如此依文解字看  
來只是不中不正所以寡註王氏曰三居少陰之上四  
歌泣喜樂都元常也○輝纂註居長陰之下對而不相比  
敵之謂也○朱氏曰敵者勢均而不相下也三與四為  
敵近而不相得也六三不正小人也六四正君子也三  
不見信於四而志在得四終不可得或鼓而進以張之  
而四不應或罷而退以誘之而四不來或泣以感之而  
四不憂或歌以樂之而四不說小人之情狀盡矣終无  
以取信於君子也○劉氏曰人惟信不足故言行之間  
變動不常如此○雙湖先生曰鼓震動象罷艮止象泣  
二至四似離目而有兌澤象歌正當兌口象今纂注諸

家之說皆與本義不同  
然其義自通故備載之  
**六四月幾望馬匹亡无咎**

○音訓幾

陸氏曰音機又音祈京作近荀作既晁氏曰孟荀一行作既孟云十六日也說文案古文讀近為既詩往近王

舅是也此

**集解**

程子曰四為成孚之主居近君之位處

實當作既

得其正而上信之至一作位當孚之任

者也如月之幾望盛之至也已望則敵矣臣而敵君禍敗必至故以幾望為至盛馬匹亡四與初為正應匹也古者駕車用四馬不能備純色則兩服兩驂各一色又小大必相稱故兩馬為匹謂對也馬者行物也初上應四而四亦進從五皆上行故以馬為象孚道在一四既從五若復下係於初則不一而害於孚為有咎矣故馬匹亡則无咎也上從五而不係於初是亡其匹也係初則不進不能成孚之功也○朱子曰六四居陰得正位近於君為月幾望之象馬匹謂初與已為匹四乃絕之而上以信於五故為馬匹亡之象占者如是則无咎也

纂註

方氏曰月幾望不處盈也馬匹亡不為黨也四捨初九之黨而上從五此大臣之絕私黨而一心於

君者故有馬匹亡之象以陰居陰履柔處正不敢敵陽此人臣功業已盛而不敢居其盛者故有月幾望之象若大臣而處盈植黨則有咎矣禹之不伐周公之不驕月幾望也晏子不入崔陳之黨韓退之不汙牛李之朋馬匹亡也○朱氏曰四震為作足四應初成坎為美春兩馬匹也震坎陽卦類也四上從五絕其類而不應則馬匹亡矣○雙湖先生曰月幾望象九三小畜上歸九妹五中孚四皆上體坎位象而畜孚上爻變亦坎體九

五有孚攣如无咎

○音訓攣陸氏曰方圓反廣雅云羣也

集解

程子曰五居君位人

君之道當以至誠感通天下使天下之心信之固結如拘攣然則為无咎也人君之孚不能使天下固結如是則億兆之心安能保其不離乎○朱子曰九五剛健中正中孚之實而居尊位為孚之主者也下應九二與之

同德故其

象占如此

**纂註**

徐氏曰攀如固結之義位正而有孚是

應九二之剛君道如此可謂不失其正矣何咎之有○

丘氏曰諸爻皆不言孚九五獨言有孚非天下之至誠

其孰能與於此○雙湖先生曰三四中虛二五中實固

皆孚信之象然陽實有孚陰虛不足故二五尤有相孚

之義然獨言於五者五正而二不正也中孚九

五與小畜九五同在巽體故取象亦相同也

**音登于天貞凶**

○音訓翰陸氏曰胡旦反高飛

**集解**

程子曰翰音者音飛而實不從處信

之終信終則衰忠篤內喪華美外颺故云翰音登天正

亦滅矣陽性上進風體飛颺九居中孚之時處於最上

孚終上進而不知止者也其極至於羽翰之音登聞于

天貞固於此而不知變凶可知矣夫子曰好信不好學

其蔽也賊固守而不通之謂也○朱子曰居信之極而

不知變雖得其貞亦凶道也故其象占如此雞曰翰音

乃巽之象居巽之極為登于天雞非登天之附錄朱子語中

物而欲登天信非所信而不知變亦猶是也

語中

孚與小過都是有飛鳥之象中孚是箇卵象是鳥之未

出殼底孚亦是那孚膜意思所以卦中都說鳴鶴翰音

之類翰音登天言不知變者蓋說一向恁麼去不知道

去不得這兩卦十分解不得且依稀地說豚魚吉這卦

中它須見得箇豚魚之象今不可考占法則莫須是見

豚魚則吉如鳥占之意象若十分理會着便須穿鑿

纂註馮氏荷曰易凡有應而不得應者則必鳴以求其

應如鳴謙鳴豫是也今卦取鳥之孚卵故以翰音

為象爻應六三而九五隔之本爻乃登于五之上而呼

之有羽翰之音登于天之象又曰卦中虛故多取聲音

象又曰雞之鳴必信而巽又有此象禮有此名宜无疑

者然恐周家備此名物夏商之質未有此稱則亦恐泛

以羽翰之音為象而聲聞于天詩亦以此稱鶴則於斯

二者難以臆說定也○李氏開曰中孚取類最多豚魚

二者難以臆說定也○李氏開曰中孚取類最多豚魚

鶴鳥翰音至於燕爵象亦旁通○徐氏曰翰音羽翰之音也音登于天虛聲遠聞也有信之名无信之實以此為正固守則凶上居終故戒又曰月令注有孚甲孚乳之說與中孚取鶴鳴翰音之象同意

### 大象傳

澤上有風中孚君子以議獄緩死

集解程子曰澤上有風感于澤中水

體虛故風能入之人心虛故物能感之風之動乎澤猶物之感于中故為中孚之象君子觀其象以議獄與緩死君子之於議獄盡其忠而已於決死極於惻而已故誠意常求於緩緩寬也於天下之事无所不盡其忠而議獄緩死最其大者也○朱子曰風感

### 附錄

朱子語問澤上有風

中孚風之性善入水虛而能順承波濤洶湧惟其所感有相信從之義故為中孚曰也是如此風去感它它便相順有相孚之象澤上有風中孚須是澤中之水海即澤之大者方能相從乎風若溪湍之水則其性急流

就下風又不奈它何並董議獄緩死只是以誠意求之  
澤上有風感得水動議獄緩死則能感人心淵問中孚  
是誠信之義議獄緩死是誠信之事故君子盡心於是  
曰聖人取象有不端確處如此之類今也只恁地解但  
是不甚纂註蔡氏曰議獄允象緩死巽象○馮氏栢曰  
親切董纂註中虛象獄二陰在獄中象死一居陽位者  
不可死也○項氏曰獄之將決則議之其既決則又緩  
之然後盡於人心王聽之司寇聽之三公聽之議獄也旬  
而職聽二旬而職聽三月而上之緩死也故獄成而孚  
輸而孚在我者盡故在人者无憾也○徐氏曰象言刑  
獄者五噬嗑賁豐旅中孚離為戈兵有刑獄象又取離  
明照知情實則刑不濫也中孚厚畫底離噬嗑豐兼取  
震賁旅兼取艮者明以察其情動以致其決噬嗑去間  
豐多故非震以動之无以威衆也賁過於文旅不留獄  
非艮以止之或輕於用刑也蓋獄乃人命所繫一成不  
可變聖人立象盡意而致其謹審如此象言刑獄五卦



噬嗑豐以其有離之明震之威也賁次噬嗑旅次豐離明不易震皆反為艮矣蓋明貴无時不然威則有時當止至於中孚則全體似離互體有震艮而又兌以議之巽以緩之聖人即象垂教其忠厚惻怛之意見於謹刑如此何其仁哉五卦中上文王唯於噬嗑取象夫子即噬嗑賁豐旅中孚以盡其義

彖傳中孚柔

在內而剛得中集解

程子曰二柔在內中虛為誠之象二剛得上下體之中中實為孚之

象卦所以附錄

朱子語彖在內剛得中這箇是就全體為中孚也看則中虛就二體看則中實它都見得

有孚信之意故喚作中孚伊川此二句說得好它只遇着這般齊整底便恁地說去若遇着那不齊整底便說不去說而巽孚乃化邦也集解

程子曰以二體言卦之用也上巽下說為上至

誠以順巽於下有孚以說從其上如是其孚乃能化於邦國也若人不說從或違拂事理豈能化天下乎○

朱子曰以卦體

**纂註**

馮氏椅曰柔在內六三六四也剛

卦德釋卦名義

得中九二九五也柔在內中虛之

象中虛則生信信者孚之得剛得中則中實實

**豚魚吉**

**信及豚魚也集解**

程子曰信能及於豚魚

**纂註**

郭氏京

及字下誤增豚魚字驗六十四卦彖先舉繇辭後以義

結更不重言繇文足明誤矣○鄭氏湘鄉曰仁及草木

言草木難仁也誠動金石言金石難誠也信及豚魚言

豚魚難信也天則真夫婦朋友人也人則情聖人與天

地同德任真不任情故信及豚魚然後為吉○愚案豚

魚彖傳云信及豚魚也恐只如虎渡雉馴鱷魚遠徙之

意若從江豚之說則只當云豚魚信及不當言信及豚

魚亦且於利涉不侔信及字在上乃人之信及豚魚耳

非豚魚之信及於人也其為二物明矣郭

**利涉大川乘**

氏謂多豚魚字只云信及也亦不相悖

木舟虛也集解

程子曰以中孚一作虛涉險難其利如乘木濟川而以虛舟也舟虛一有中字

則无沉覆之患一无之患字卦虛中

纂註

司馬公曰中孚者發於中

為虛舟之象○朱子曰以卦象言

而孚於人也豚魚幽賤无知之物苟飼以時則應聲而集而況於人乎至誠以涉險如乘虛舟物莫之害故曰

利涉大川乘

中孚以利貞乃應乎天也集解

程子曰中孚而貞則

木舟虛也

應乎天矣天之道孚貞而已○

纂註

馮氏椅曰又以六四九五明卦占應

朱子曰信而正則應乎天矣

去聲中孚六四也貞九五也五天位四應之應乎天也

誠者天之道孚之正則應乎天不正則徇乎人而孚不

足言

小象傳初九虞吉志未變也集解

程子曰當信之始志一无志字

未有所從而虞度所信則得其正是以吉也蓋其志未  
有變動志有所從則是變動虞之不得其正矣在初言

求所信

**纂註**

楊氏萬里曰虞之為言防也書儆戒无虞

之道也

萃戒不虞是也邪不開則誠不存家人之

閑有家中孚之虞皆見於初九防家防

其子和之中心

願也

**集解**

程子曰中心願謂誠意

或鼓或罷位不當也

**集解**

程子曰居不當位故无所主唯所

馬匹亡絕類上

也

○音訓上

**集解**

程子曰絕其類而上從

有孚攣如位

正當也

程子曰五居君位之尊由中正之道能使

道當如是也

**翰音登于天何可長也**

程子曰守孚至於

可長久也固守而一无

而字不通如是則凶也

經



震上

集解

程子曰小過序卦有其信者必行之故受之以小過人之所信則必行

則過也小過所以繼中孚也為卦山上有雷雷震於高其聲過常故為小過又陰居尊位陽失位而不中

過其常也蓋為小者過又為小事過又為過之小

小過亨利貞

○音訓小過陸氏曰古卧反義

與大過同王肅云音戈兌宮遊魂卦

集解

程子曰過者過其常也若矯枉而過正過所以就正也事有時

而當然有待過而後能亨者故小過自有亨義利貞者過之道利於貞也不失時宜之謂正

可小事

不可大事飛鳥遺之音不宜上宜下大吉

○音訓遺陸如字上陸氏

曰時掌反彖同鄭如字謂君也

集解

程子曰過所以求就中也所過者小事也事之大者豈可過也於大

過論之詳矣飛鳥遺之音謂過之不遠也不宜上宜下謂宜順也順則大吉過以就之蓋順理也過而順理其

吉必大○朱子曰小謂陰也為卦四陰在外二陽在內陰多於陽小者過也既過於陽可以亨矣然必利於守貞則又不可以不戒也卦之二五皆以柔而得中故可小事三四皆以剛失位而不中故不可大事卦體內實外虛如鳥之飛其聲下而不上故能致飛鳥遺音之應則宜下而大吉亦不可大事之類也

附錄朱子

語問小過飛鳥遺音本義謂致飛鳥遺音之應如何曰看這象似有羽蟲之孽之意如賈誼鵬鳥之類是也學

蒙纂註

蔡氏曰小過柔為主柔性下故宜下則大吉○蘭氏曰上卦四五陰陽皆失位故不宜上下卦

二三剛柔皆當位故曰宜下○鄭氏剛中曰不宜上者上二陰乘陽乘陽而上非陰所宜也宜下者謂下二陰順陽順陽而協非上逆之比也○孔氏曰飛鳥遺其音聲哀以求處過上則愈无所適過下則不失其安○雙湖先生曰小過飛鳥文王卦象也以全體橫觀有飛鳥之象故爻辭蒙卦義亦兩取象飛鳥又與離為飛鳥象

不同各有義例小過反是疊畫坎卦不可以離列論也  
利貞指三上言亦因為初四五戒四陰過可小事二陽  
微不可大事遺**初六飛鳥以凶集解**程子曰初六陰柔

音卦有兌口象上應於四四復動體小人躁易而上有應助於所當過  
必至過甚況不當過而過乎其過如飛鳥之迅疾所以  
凶也躁疾如是一有則字所以過之速且遠救止莫及  
也○朱子曰初六陰柔上應九四又居過時上而不下  
者也飛鳥遺音不宜上宜下故其象占如**附錄**朱子語

此郭璞洞林占得此者或致羽蟲之孽

**附錄**初六飛

鳥以凶只是取其飛過高了不是取遺音之義中孚有  
卵之象小過中間二畫是鳥腹上下四陰為鳥翼之象

鳥出乎卵此小過**纂註**徐氏曰初柔本下而上與四應

**纂註**

四動體初從四而動如鳥之飛

動而不止又小過之義上逆下順初躁動而從上失宜  
下之義故凶○項氏曰二爻皆當鳥翅之末初六在艮

之下當止而反飛以飛致凶故曰飛鳥以凶上六居震之極其飛已高動而成離則麗於岡罟故曰飛鳥離之凶○李氏舜臣曰大過之棟小過之飛鳥皆以一卦取象然大過之棟寄之三四兩爻小過之飛鳥寄之初上二爻何也棟梁之用在室中飛鳥之逆順見於上下故也六二過其祖遇其妣不及

其君遇其臣无咎

○音訓妣陸必履反

集解

程子曰陽之在上者父之象尊於父者祖

之象四在三上故為祖二與五居相應之地同有柔中之德志不從於三四故過四而遇五是過其祖也五陰而尊祖妣之象與二同德相應在它卦則陰陽相求過之時必過其常故異也无所不過故二從五亦戒其過不及其君遇其臣謂上進而不陵及於君適當臣道則无咎也遇當也過臣之分則其咎可知○朱子曰六二柔順中正進則過三四而遇六五是過陽而反遇陰也如此則不及六五而自得其分是不足及君而適遇其臣



也皆過而不過守正得中之意

**附錄**

朱子語三父四祖五便當妣過祖而

遇妣是過陽而遇陰然而陰不可過則

**九三弗過防之**

**從或戕之凶**

○音訓戕陸氏曰徐在良反

**集解**

程子曰小過陰過陽失位之時三獨居正

然在下无所能為而為陰所忌惡故有一作所當過者在過防於小人若弗過防之則或從而戕害之矣如是則凶也三於陰過之時以陽居剛過於剛也既戒之過防則過剛亦在所戒矣防小人之道正己為先三不失正故无必凶之義能過防則免矣三居下之工居上為下皆如是也○朱子曰小過之時事每當過然後得中九三以剛居正衆陰所欲害者也而自恃其剛不肯過為之備故其象占如此若占者能過防之則可以免矣

**附錄**

朱子語中孚小過兩卦鶻突不可曉小過尤其甚如云弗過防之從或戕之則是不能過防之也四字

只是一句至弗過過之與弗過過之雙胡先生曰

皆是兩字為絕句意義更不可曉

煇纂註朱子謂弗過

過之是兩字為絕句愚謂弗過防之亦當兩字為絕句

蓋小過乃陰過之時故二陽爻皆稱弗過是言陽弗能

過也防之防陰也言弗能過之則當防之若不防而反

從之則彼或得以戕我而凶矣二陰在下有上進之勢

故當

九四无咎弗過遇之往厲必戒勿用永貞集解

程

曰四當小過之時以剛處柔剛不過也是以无咎既弗  
過則合其宜矣故云遇之謂得其道也若往則有危必  
當戒懼也往去柔而以剛進也勿用永貞陽性堅剛故  
戒以隨宜不可固守也方陰過之時陽剛失位則君子  
當隨時順處不可固守其常也四居高位而无上下之  
交雖比五應初方陰過之時彼豈肯從陽也故往則有  
厲○朱子曰當過之時以剛處柔過乎恭矣无咎之道  
也弗過過之言弗過於剛而適合其宜也往則過矣故

有厲而當戒陽性堅剛故又戒以勿用永貞言當隨時  
之宜不可固守也或曰弗過遇之若依六二爻例則當  
如此說若依九三爻例則過遇當如附錄朱子語九四  
過防之義未詳孰是當闕以俟知者附錄弗過遇之過  
遇猶言加意待之也上六弗過遇之疑亦當纂註李氏  
作弗過遇之與九三弗過防之文體正同淵纂註光曰  
方羣陰用事之時求動而進則危矣故當戒謹亦勿固  
守其正而昧於幾也處小人之間求進則為所擠陷守  
節則為所嫉忌蓋處位不當姑靜以俟失時而已○雙  
湖先生曰九四弗過與九三同義遇之前遇手陰也上  
往則危厲必當致其戒謹然陽性本上故又戒其勿用  
永貞言不必永久貞固以自守但戒謹則可免厲矣二  
陰在上有遇之  
之勢故當戒

六五密雲不雨自我西郊公弋取彼在

穴

○音訓弋  
陸餘職反

集解

程子曰五以陰柔居尊位雖欲過為  
豈能成功如密雲而不能成雨所以

不能成雨自西郊故也陰不能成雨小畜卦中已解公  
弋取彼在穴弋射取之也射止是射弋有取義穴山中  
之空中虛乃空也在穴指六二也五與二本非相應乃  
弋而取之五當位故云公謂公工也同類相取雖得之  
兩陰豈能濟大事乎猶密雲之不能成雨也○朱子曰  
以陰居尊又當陰過之時不能有為而弋取六二以為  
助故有此象在穴陰物也兩

**附錄**

朱子語密雲不雨大

淵弋是俊壯底意却纂註朱氏曰兌澤之氣上而為雲  
只弋得這般物事纂註兌陰盛也故為密雲兌西震

東巽風揚之雲自西往東由陰而升陰倡而陽不和不  
雨之象故曰自我西郊五自謂曰我又曰小畜彖辭與  
小過六五同蓋小畜所畜者小小過所過者小皆不可  
以大事過之則畜之矣二卦雖殊而大者為小者所畜  
則一而已○馮氏椅曰正猶蠱之彖應巽之五之象蓋  
五位乎君足以主一卦故象或應他卦之彖也○徐氏

日公謂五弋射取也彼謂二在穴二柔居中象因卦有飛鳥之象故曰弋彼在穴乎○雙湖先生曰小過全體似坎弓象互巽繩弋象二陰在艮山之下岩穴象穴亦陰爻中斷象

### 上六弗遇過之飛鳥

### 離之凶是謂災眚集解

程子曰六陰而動體處過之極不與理遇動皆過之其達理過

常如飛鳥之迅速所以凶也離過之遠也是謂災眚是當有災眚也災者天殃眚者人為既過之極豈唯人眚天災亦至其凶可知天理人事皆然也○朱子曰六以陰居動體之上處陰過之極過之已高而甚遠者也故其象占如此或曰遇過恐亦只纂註蔡氏曰遇過五也當作遇過義同九四未知是否今在五上故弗遇過之過乎五也離過之遠也過而不中故凶天災人眚俱有也○蘭氏曰始以小過為无傷而弗改如鳥之飛翔於始其終遂至於離其罔羅○余氏曰飛鳥離之疑如鴻則離之離○蕪氏曰弗遇過之君子不能過小

人而遇者也弗遇過之小人不肯遇君子而過之者也  
九四不能過六五而承之故曰弗遇過之上六過九三  
而遠之故曰弗遇過之○馮氏椅曰此卦猶大過中二  
爻故二五初上皆配取象○雙湖先生曰此爻與四正  
相反九四曰弗遇過之上六曰弗遇過之弗遇過之者  
陰微而弗能過乎陰反遇乎陰也弗遇過之者陰上而  
弗能遇陽反過乎陽也小過陰過而陽弗過之時故四  
言弗過而上言過四前有陰有相遇之理上已過陽无  
復遇之期故四言過而上言弗遇亦可見也飛鳥離之  
取遠過之象陰過如此非陰之福也災眚薦至凶孰甚  
焉此可為小人  
過盛者之戒  
大象傳山上有雷小過君子以行過乎

恭喪過乎哀用過乎儉

○音訓行  
陸下孟反

集解

程子曰雷震於  
山上其聲過常

故為小過天下之事有時當過而不可過甚故為小過  
君子觀小過之象事之宜過者則勉之行過乎恭喪過

乎哀用過乎儉是也當過而過乃其宜也不當過而過則過矣○朱子曰山上有雷其聲小過三者之過皆小者之過可過於小而不可過於大可以小過而不可甚過彖所謂可小事而宜下者也

附錄

朱子語山

上有雷小過是聲在高處下來飛鳥遺之音也是高處聲下來為小過聲在高處是小過之義淵君子行過恭

用過儉皆是宜下之意

輝

小過是過於慈惠之類大過則是剛嚴果毅底氣象

個

小過大率是過得不多如大

過便說獨立不懼小過只說這

纂註

徐氏曰大壯當仲春雷乃發聲小過

有雷方在艮震之交先驚蟄而發故曰過○項氏曰曰

行曰喪曰用皆見於動以象震也曰恭曰哀曰儉皆當

止之節以象艮也○雙湖先生曰震有行象互巽有恭

象中四爻互大過為棺槨有喪象互兌為口有哀號象

用則屬震動儉則屬艮止三者之過皆當小過時也○李氏舜臣曰行已之際恭可過傲不可過臨喪之際哀

可過樂不可過制用之際儉可過奢不可過皆過為卑  
小應小過之象○朱氏曰考父過恭高柴過哀晏平仲  
過儉非過於理也小  
過所以為時中也  
彖傳小過小者過而亨也集解

程子

曰陽大陰小陰得位剛失位而不中是小者過也故為  
小事過過之小小者與小事有時而當過過之亦小故  
為小過事固有待過而後能亨者過之所以能一  
作求亨也○朱子曰以卦體釋卦名義與其辭  
過以

利貞與時行也集解

程子曰過而利於貞謂與時行也  
時當過而過乃非過也時之宜也

乃所謂  
正也

彖得中是以小事吉也集解

朱子曰以  
二五言

纂註

郭氏

京曰彖得中是以可小事也是以下脫可字小事下誤  
增吉字彖象舉繇辭例无增損若可小事合有吉則不  
可大事不合有凶則小  
事不合有吉斷可知也  
剛失位而不中是以不可大事



也集解

朱子曰以三四言

纂註

李氏曰得其時則柔足以有為故柔得中是以可小事假二五

而言也非其時則剛不能以有為故剛失位而不中不可以大事假三四而言也

有飛鳥之象

焉集解

程子曰小過之道於小事有過則吉者而彖以卦才言吉義柔得中二五居中也陰柔得位能

致小事吉耳不能濟大事也剛失位而不中是以不可大事大事非剛陽之才不能濟三不中四失位是以不可大事小過之時自不可大事而卦才又不堪大事與時合也有飛鳥之象焉此一句不類彖體蓋解者之辭誤入彖中中剛一作實外柔飛鳥之象卦有此象故就飛鳥為義

纂註

陸氏希聲曰中孚卦柔在內而

剛在外有鳥鵬實之象今變為小過則剛在內而柔在外有飛鳥之象○方氏曰有飛鳥之象在陰小之卦則為小鳥安於飛鳥遺之音不宜上宜下大吉上逆而下小外則大吉

順也集解

程子曰事有時而當過所以從宜然豈可甚過也如過恭過哀過儉大過則不可所以在

小過也所過當如飛鳥之遺音飛鳥迅疾聲出而身已過然豈能相遠也事之當過者亦如是身不能甚遠於

聲事不可一作能遠過其常在得宜耳不宜工宜下更就鳥音取宜順之義過之道當如飛鳥之遺音夫聲逆

而上則難順而下則易故在高則大山上雷所以為過也過之道順行則吉如飛鳥之遺音宜順也所以過

者為順乎宜也能順乎宜所纂註蔡氏曰上逆而小象以大吉○朱子曰以卦體言

傳飛鳥以凶不可如何也集解

程子曰其過之疾如飛鳥之迅豈容救止也凶

其宜矣不可如何无所用其力也

附錄

朱子語若占得者更无可避之理故象曰不可如何也必大

不及其君臣不可過也集解

程子曰過之時事无不過其常故於上進則戒及其

一作其及君臣不可過臣之分也○朱子曰所以不及君而還遇臣者以臣不可過故也從或戕之

凶如何也集解

程子曰陰過之時必害於陽小人道盛必害君子當過為之防防之不至則為

其所戕矣故曰凶弗過遇之位不當也往厲必戒終不如何也言其甚也

可長也集解

程子曰位不當謂一作故處柔九四當過之時不過剛而反居柔乃得其宜故曰遇

之遇其宜也以一无以字九居四位不當也居柔乃得其宜也當陰過之時陽退縮自保足矣終宜能長而盛也故往則有危必當戒也長上聲作平聲則大失易意以夫與剝觀之可見與夫之象文同而音異也○朱子曰爻義未明附錄朱子語此爻小象恐不得如伊川說此亦當闕以長字為上聲勿用永貞便是不可長久勿用永貞是莫常恁地又曰莫不一向要進易說終不可長也文義未明此亦當闕

纂註

湖

先生曰不可長是說四可上往不可久長之意

密雲不雨已上也

○音訓已上陸氏曰並如

字上又時掌反鄭作尚云庶幾也

集解

程子曰陽降陰升合則和而成雨陰已在上雲雖密宜能成雨

乎陰過不能成大之義也

纂註

郭氏京曰已止也誤作上字○單氏曰小畜之

不雨陽將進而上交也故曰尚往也小過之不雨陰已過而下交也故曰已上也

弗遇過之已

亢也集解

程子曰居過之終弗過於理而過之過已亢極其凶宜也一作矣

附錄

朱子語問

小過初六不可如何也六二臣不可過也過字平聲九三自是叶了九四又轉韻位不當也當字平聲終不可長便是叶已上也上字作平聲已亢也便是平聲疑自當字以下不然蓋廣韻唐中上字无平聲但終不可長之長字作音仗則皆

纂註

愚案朱子叶韻之說則叶矣皆在四十一漾韻郭氏謂已上之誤非矣

經

離下坎上

集解

程子曰既濟序卦有過物者必濟故受之以既濟能過於物必可以濟故

小過之後受之以既濟也為卦水在火上水火相交則為用矣各當其用故為既濟天下萬事已濟之時也

既濟亨小利貞初吉終亂

○音訓既濟陸氏曰節計反下卦同鄭云既已也盡也濟

度也坎宮三世卦亨小陸氏曰絕句以小連利貞者非

集解

程子曰既濟之時大者既已亨矣小者尚

有一有未字亨也雖既濟之時不能无小未亨也小字在下語當然也若言小亨則為亨之小也利貞處既濟

之時一无之時字利在貞固以守之也初吉方濟之時也終亂濟極則反也○朱子曰既濟事之既成也為卦

水火相交各得其用六爻之位各得其正故為既濟亨小當為小亨大抵此卦及六爻占辭皆有警戒之意時

當然

附錄

朱子語亨小當作小亨大率到那既濟了時便有不好去所以說小亨如唐時貞觀之盛

便向那不好處淵既濟是已濟了大事都已亨過了只更小小底正在亨通若能戒謹恐懼得常似今猶自得不然便一向不好去了伊川之意亦是如此但要說做亨小所以不分曉又曰若將濟便是好今已濟便只是不好去了學家初吉終亂便纂註李氏舜臣曰水火相

有不好在末後底意思

淵建兩相交接既濟之

象既濟則為亨矣而卦辭所謂亨乃在於小何也易以陰柔為小離之一陰在中是也坎一陽在上與之相應小者得大者之應而亨也況六爻中三陰皆出三陽之上則是小者皆在上而亨也三陽下之陰陽相交而為既濟亦猶泰通之世陰上陽下而相交也其所以致亨者非獨兩兩相應以居位各正故也初三五陽位皆以九居之二四六陰位皆以六居之六十四卦无如既濟最正故曰利貞向使不正安能相濟夫既濟功成物極則反理之必然故曰初吉終亂卦辭亦慮既濟後盈溢太過者邪○蔡氏曰初吉六二也終亂上六也既濟終

為未濟矣又初九曳其輪濡其尾无咎

○音訓曳陸以制反濡陸音儒

**集解**

程子曰初以陽居下上應於四又火體其進之志銳也然時既濟矣進不已則及於悔咎一作吝故

曳其輪濡其尾乃得无咎輪所以行倒曳之使不進也獸之涉水必揭其尾濡其尾則不能濟方既濟之初能止其進乃得无咎不知已則至於咎也○朱子曰輪在下尾在後初之象也曳輪則車不前濡尾則狐不濟既濟之初謹戒如是无咎之

**附錄**

朱子語曳輪濡尾是只爭些子時候是欲到與

未到之間不是不欲濟是要濟而未敢輕濟如曹操臨敵意思安閒如不欲戰老子所謂猶若冬涉川之象涉

則畢竟涉只是畏那纂註鄭氏剛中曰坎為輪初在坎寒了未敢便涉易說後曳之也○蔡氏曰狐有濡

尾象亦坎象也○李氏舜臣曰徐進而不躡等无咎之道也

**六二婦喪其茀勿逐七**

日得

○音訓喪今本作喪陸息浪反第陸氏曰方拂反首飾也馬同干云馬髻也鄭云車蔽也子夏作髻

荀作紱董作髻晁氏曰孟一行虞亦作髻云鬢髮也說之案第古文紱字

**集解**

程子曰二以文明中正之

德上應九五剛陽中正之君宜得行其志也然五既得尊位時已既濟无復進而有為矣則於在下賢才宜有求用之意故二不得遂其行也自古既濟而能用人才者鮮矣以唐太宗之用言尚怠於終况其下者乎於斯時也則剛中反為中滿坎離乃為相戾矣人能識時知變則可以言易矣二陰也故以婦言第婦人出門以自蔽者也喪其第則不可行矣二不為五之求用則不得行如婦之喪第也然中正之道豈可廢也時過則行矣逐者從物也從物則失其素守故戒勿逐自守不失則七日當復得也卦有六位七則變矣七日得謂時變也雖不為上所用中正之道无終廢之理不得行於今必行於異時也聖人之一有為字勸戒深矣○朱子曰二以



文明中正之德上應九五剛陽中正之君宜得行志而九五居既濟之時不能下賢以行其道故二有婦喪其第之象第婦車之蔽言失其所以行也然中正之道不可終廢時過則行矣故又有勿逐而自得之戒

纂

註

馮氏椅曰詩翟第謂以翟為蔽車之飾○李氏舜臣曰離為雉為文明有翟第之象○王氏安石曰此爻

巽順在中婦象也兩剛為之蔽第象也棄二剛以應五故曰婦喪其第苟得志乎五則雖二剛猶在上下為之蔽又焉用逐七日者從其應以往返之時言○李氏開曰自二之外七日還本位與復震六二同義○劉氏曰易以日言近以歲言遠

九三高宗伐鬼方三年克之小人勿用音○

訓鬼方陸氏曰蒼

集解

程子曰九三當既濟之時以剛居剛用剛之至也既濟而用剛

如是乃高宗伐鬼方之事高宗必商之高宗天下之事既濟而遠伐暴亂也威武可及而救民為心乃王者之

事也唯聖賢之君則可若騁威武愈不服貪土地則殘民肆欲也故戒不可用小人小人為之則以貪忿私意也非貪忿則莫肯為也三年克之見其勞憊之甚聖人因九三當既濟而用剛發此義以示人為法為誠豈淺見所能及也○朱子曰既濟之時以剛居剛高宗伐鬼方之象也三年克之言其久而後克戒占者不可輕動之意小人勿用占

# 附錄

朱子語高宗伐鬼方疑是高宗法與師上六同舊日占得此爻故聖人引證之

吉凶如此如箕子之明夷帝乙歸妹皆恐是如此又曰漢時去古未遠想見卜筮之書皆存如漢文帝之占大橫庚庚都似傳古人說話又曰夏燁纂註徐氏曰鬼方幽啟以光想是夏啟曾占得此卦遠小國也蒼頡篇云鬼遠也近坎有鬼方象離體有伐象盡坎三爻而成既濟有三年克之象三當既濟之中以剛居剛欲兼舉內外之治故有高宗伐鬼方之象○張子曰上六陰而應卦之終亂者也鬼方之象○項氏曰高宗所伐正

南鄉之夷今南夷猶稱鬼主國家亦以都鬼主爵之云  
東北方者非也○程氏曰沈黎志云鬼方俗尚鬼大者  
歲輸一牛主祭者曰鬼主大者曰都天鬼主故宋獲羌  
戎囚之長亦曰鬼章然則高宗所伐其今黎雅以南歟  
商頌載高宗責荆楚之辭亦及氐羌且曰居國南鄉則  
或然矣○雙湖先生曰案唐高祖紀注鬼方夏曰獫狁  
商曰鬼方周曰獫狁漢曰匈奴魏曰突厥突厥右匈奴  
此部今項氏程氏說又如此姑記之○龍氏仁夫曰案  
左傳云投之四裔以禦魑魅所謂鬼方也小雅有內巽  
于中國覃及鬼方之語通言夷方本无專指然以象例  
考之南離无鬼象北坎无伐象又此卦下離故伐言于  
三後卦上離故伐言于四其象明甚以事理求之帝王  
征苗捷荆楚伐徐方皆南征也戰蚩尤伐獫狁皆北伐  
也然自秦漢以來為中國患者每在北聖人前民用知  
來物微意疑在此○李氏開曰三年上隔三位故曰三  
年○鄭氏汝諧曰九三以剛陽處欲變之位剛陽則過

於有為欲變則動而之外內治已濟必欲用陽剛以求功於外者故為之戒曰以高宗之盛而伐鬼方猶三年而後克之其可用小人而啟多事之源乎无六四繻有事之世捨內治而幸邊功者皆小人啟之也

衣初終日戒

○音訓繻陸氏曰而未反王肅鄭音須子夏作襦王虞同薛云古文作繻是氏日子

夏作繻說文作需初陸氏曰女居反繻初也王肅音如說文作絮云繻也廣雅云絮塞也子夏作茹京作絮是

氏曰說文作絮一日敝絮易繻有衣絮說之案近文絮作初又作絮通用集解程子曰四在

故取舟為義四近君之位當其任者也當既濟之時以防患慮變為急繻當作濡謂滲漏也舟有罅漏則塞以

衣初有衣初以備濡漏又終日戒懼不急慮患當如是也不言吉方免於患也既濟之時免患則足矣豈復有

加也○朱子曰既濟之時以柔居柔能預備而戒懼者也故其象如此程子曰繻當作濡衣初所以塞舟之罅

漏

附錄

朱子語六四以柔居柔能慮患預防蓋是心低小底人便能慮事柔善底人心不粗慮事細密

剛果之人心粗

纂註

蔡氏曰縹帛之吳者初衣之敝者既濟過中時且變矣故四有衣初

之戒言縹雖美則必至於有初事雖濟則必至於未濟  
必須終日戒懼乎此則憂疑可釋而不至於終亂矣○  
林氏曰說者謂衣之敗絮可以塞漏舟愚謂不然漏舟  
而待敗絮非防患之道也離為日三爻皆離有終日象  
坎為憂有戒懼象

九五東鄰殺牛不如西鄰之禴祭實受其福

○音訓禴陸氏曰

集解

程子曰五中實孚也二虛中誠也故皆取祭祀為義東鄰陽也

謂五西隣陰也謂二殺牛盛祭也禴薄祭也盛不如薄  
者時不同也二五皆有孚誠中正之德二在濟下尚有  
進也故受福五處濟極无所進矣以至誠中正守之苟  
未至於反耳理无極而終不反者也已至於極雖善處

无如之何矣故爻象唯言其時也○朱子曰東陽西陰言九五居尊而時已過不如六二之在下而始得時也又當文王與紂之事故其象占

**附錄**

朱子語問九五爻以言紂雖貴為天

子祭祀之盛而不若文王薄祭却可以福祐蓋時之興衰自是如此曰楊子雲云云十六日月雖缺未多更圓似生明之時畢竟是暫缺去月初雖小於生魄時畢竟是長底時節問占得此爻則如何曰這當看所值之時何如大意大底

**纂註**

雙湖先生曰案程傳東鄰謂五西鄰謂二本義從之橫渠又謂東鄰

上六西鄰六四愚竊謂此爻周公所以發先天八卦方位也先天離東坎西今既濟離先坎後即方位之自東而西也東鄰指離六二西鄰指坎九五五以二為東鄰二亦以五為西鄰也牛離象殺牛離為戈兵象坎為幽陰多說祭祀水性就下又有禴薄之象實受其福又可見九五陽爻為實也嘗謂文王序卦上經首乾坤終坎

離即先天乾南坤北離東坎西四方四正之卦下經首咸恒終既濟未濟即先天山澤雷風四隅反易之卦與夫坎離之交不交也先天一圖在文王序卦中矣今於此東西之象尤信若夫卦體自有東西鄰象未必為文王與紂事况當周公時周家既已伐而取其國又何必為抑揚之辭載於經乎此是先儒說經之過本義因仍未革亦俟

### 上六濡其首厲集解

程子曰既濟之極固不安而危也又陰柔處之

而在險體之上坎為水濟亦取水義故言其窮至於濡首危可知也既濟之終而小人處之其敗壞可立而待也○朱子曰既濟之極險體之上而以陰柔處之為狐涉水而濡其首之象占者不戒危之道也

### 纂註

陳氏友文曰涉水而至於濡尾不害其為濟也首亦濡則溺矣故厲○馮氏曰首在前尾在後則既未濟之六爻象皆橫觀也皆有坎水故首尾皆濡以見凡事之欲濟者身在其中乃可濟也首尾皆濡則身在其中矣又

曰既濟險乃在前未濟乃出乎險者也而卦義相反蓋以水火相濟不相濟為象也然險終在前故既濟終厲終出乎險故未濟終孚應易窮則變之義

大象傳水在火上既濟君子以思

患而豫防之集解

程子曰水火既交各得其用為既濟時當既濟唯慮患害之生故思而豫

防使不至於患也自古天下既濟而致禍亂者蓋不能思患而豫防也

纂註

蔡氏曰思患坎難象豫防

離明象○司馬公曰既濟未濟反復相承也艱險未濟君子以矜慎之志辨物之宜處之以道如是險无不濟功无不成事既濟矣无所復為則又當思未萌之患而豫防之是以君子能康又民物而永保安榮也

彖

傳既濟亨小者亨也

○音訓既濟亨小者亨也

集解

朱

曰濟下疑脫小字

纂註

郭氏京曰既濟亨小小者亨也案亨小下脫小字既濟之義只在小者亨若小



者不亨不為既濟故夫子先舉繇辭然後以小利貞剛者亨也為義結了若空有者亨兩字不成義也

# 柔正而位當也集解

程子曰既濟之時大者固一无固字已亨矣唯有小者一有未字亨

也時既濟矣固宜貞固以守之卦才剛柔正當其位當位者其常也乃正固之義利於如是之貞一有正字也

陰陽各得正位所以為既濟也○朱子曰以卦體言纂註郭氏雍曰六爻有應者

六十四卦獨此一卦而已是知既濟者必在有應必得其位然後可也○趙氏曰坤上乾下為泰以天地之交

也坎上離下為既濟以水火之交也以象言之水火若未可同於天地以畫觀之則乾畫居坤之中而為坎坎

者乾之中也故乾居西北而坎居正北坤畫居乾之中而為離離者坤之中也故坤居西南而離居正南坎離

者乾坤之大用也故泰之六爻雖相應而二五處非其位既濟之六爻不唯皆應而剛柔无一之不當以是爻

而居是位則其應者皆正也水火相交而剛柔正應則其為既濟也豈不大哉初吉柔得中也

**集解**

程子曰二以柔順文明而得中故能成既濟之功二居下體方濟之初也而又善處是以吉也○朱

子曰指六二

**終止則亂其道窮也集解**

程子曰天下之事不進則退无一定之理

濟之終不進而止矣无常止也哀亂至矣蓋其道已窮極也九五之才非不善也時極道窮理當必變也聖人至此柰何曰一无日字唯聖人為能通其變於未窮不使至於極也堯舜是也故有終而无亂纂註馮椅曰初論六二而終當九五以九居五則其德當乎大君之位而上下五爻亦各當其位而天下定矣所謂利貞者以此也然各當其位之定而无復有事則一氣之流行物情之營為萬事之更代所謂定者乃亂之源也故既濟之終則亂故孔子又贊之曰終止則亂其義著明矣○丘氏曰人之常情處无事則止心生止則心有

所怠而不復進此亂之所從起處多事則戒心生戒則心有所畏而不敢肆此治之所由兆治亂者天也所以制其治亂者人也彖曰終亂而傳曰終止則亂止則亂矣不止亂安從生玩止一辭則知夫子之於贊易也其旨深矣乎○雙湖先生曰文王卦辭初吉終亂之云不過如泰極則否之類既濟極則反為未濟耳非有他也夫子釋之則曰終止則亂味止之一字即雜卦所謂既濟定也之義蓋既濟之陰陽各歸其家易於伏而不動履其運者若一切止而不為則亂之所由起矣此又夫子之旨也然則如之何而可亦曰剛柔雖正位雖當而氣機之運不可使一息或停譬之人身心火既降腎水既升可謂一身之既濟矣然善於康濟者宜可使升者不降降者不升必如所謂靜極復動動極復靜一動一靜互為其根而循環无端焉而後可耳此夫子終止則亂之微意也

小象傳曳其輪義无咎也集解

程子曰既濟之初而能止其進

則不至於極其義自无咎也

**七日得以中道也集解**

程子曰中正之道雖不為時所

用然无終不行之理故喪第七日當復得謂自守其中異時必行也不失其中則正矣

**三年克之**

**憊也**

○音訓憊陸氏曰備拜反鄭云劣弱也陸績作備云當為憊憊困劣也

**集解**

程子曰

見其事之至難在高宗為之則可无高宗之心則貪忿以殃一作殘民也

**附錄**

朱子語問三年克之憊也

以言用兵是不得已之事以高宗之賢三年而克鬼方亦不勝其憊矣曰言兵不可輕用也學履

**終日**

**戒有所疑也集解**

程子曰終日戒懼常疑患之將至也處既濟之時當畏慎如是也

**東**

**鄰殺牛不如西鄰之時也實受其福吉大來也集解**

程子

曰五之才德非不善不如二之時也二在下有進之時故中正而孚則其吉大來所謂受福也吉大來者在既

濟之時為大來也  
亨小初吉是也

濡其首厲何可久也集解

程子曰既濟之窮危

至於濡首其能長久乎

附錄

朱子語問既濟上三爻皆漸漸不好蓋出明而入險四有衣袽之象曰有

所疑也便是不美之端倪自此已露五殺牛則太自過盛上濡首則極而亂矣不知如何曰然時運到那時都過了康節所謂飲酒酩酊開花離披時節所以有這樣不好底意思出來學蒙初九義无咎也咎字上聲六二以中道也道亦上聲音斗九三換平聲憊字通入備字備字改作平聲則音皮六四有所疑九五不如西鄰之時又吉大來也來字音黎上六何可久也久與已通已字平聲為暮易說

經



坎下離上

集解

程子曰未濟序卦物不可窮也故受之以未濟終焉既濟矣物之窮也物

窮而不變則无不已之理易者變易而不窮也故既濟之後受之以未濟而終焉未濟則未窮也未窮則有生

生之義為卦離上坎下火在水上不相為用故為未濟

未濟亨小狐汔濟濡其尾

无攸利

○音訓未濟陸氏曰離宮三世卦狐陸音胡汔陸氏曰許訖反說文云水涸也鄭云幾也

集

解

程子曰未濟之時有亨之理而卦才復有致亨之道唯在慎處狐能度水濡尾則不能濟其老者多疑畏

故履水而聽懼其陷也小者則未能畏慎故勇於濟汔當為汔壯勇之狀書曰汔汔勇夫小狐果於濟則濡其尾而不能濟也未濟之時求濟之道當至慎則能亨若如小狐之果則不能濟也既不能濟无所利矣○朱子曰未濟事未成之時也水火不交不相為用卦之六爻皆失其位故為未濟汔幾也幾濟而濡尾猶未濟也占者如此何纂註蔡氏曰狐坎象尾指初○朱氏曰孟喜所利哉云小狐濟水未濟一步下其尾故曰汔

濟濡尾又曰狐首輕尾重聽水負尾以濟其剛不息是以終濟○余氏曰未濟本有亨之道但如小狐幾濟而

濡尾則无所利耳。謂占遇未濟者皆无攸利不可也在所處如何耳。○李氏舜臣曰：聖人作易一卦必求所以亨之理在既濟時有既濟之亨，未濟時有未濟之亨。既濟已然之亨，未濟方來之亨。又曰：坎為水為穴為隱伏，物之穴居隱伏往來水間者狐也。○林氏曰：既之為言盡也已往之辭也，未之為言有所待也。方來之辭也。○鄭氏湘鄉曰：上坎下離為既濟，上離下坎為未濟。然離中有坎，坎中有離，二體而互成。四卦四卦而歸二體，其實一也。坎水也，其情淫而邪；離火也，其性烈而正。坎常為小人，離常為君子。然離中有坎，情其性也，故既未之離反為小人，坎中有離，性其情也，故既未之坎反為君子。君子在上而小人在下，則治无不濟，故坎上離下為既濟，小人在上而君子在下，則治莫能。初六濡其尾吝，濟故離上坎下為未濟，此以人事言也。

集解

程子曰：六以陰柔在下處險而應四處險則不安，其居有應則志行於上，然已既陰柔而一无而字。

四非中正之才不能援之以濟也獸之濟水必揭其尾尾濡則不能濟濡其尾言不能濟也不度其才力而進

終不能濟可羞吝也○朱子曰以陰居下當未濟之初未能自進故其象占如此

**纂註**

徐氏曰既濟初

濡其尾无咎未濟初濡其尾吝者既濟之初才剛足以有濟又下卦離體明也明則知緩急之宜而不急濟又

苟知緩濟之義則雖濡尾亦終濟矣故无咎未濟之初才柔不足以濟天下又下卦坎體陷也陷則冒險以進

而急於求濟不知未濟之義則至於濡尾而不能濟矣故可吝○李氏光曰志欲有為而才不足雖履危涉難

奮不顧身為可吝也○朱氏曰卦後為尾坎水濡之濡其尾也○李氏過曰未濟者既濟之反未濟之初六即

既濟之上六故爻義相蒙○林氏栗曰卦言无攸利而爻言吝者以在下一卦之初其失未遠也故系之以憂

虞九二曳其輪貞吉集解程子曰在它卦九居二為居柔得中无過剛之義也於未



濟聖人深取卦象以為戒明事上恭順之道未濟者君  
道艱難之時也五以柔處君位而二乃剛陽之才而居  
相應之地當用者也剛有陵柔之義水有勝火之象方  
艱難之時所賴者才臣耳尤當盡恭順之道故戒曳其  
輪則得正而吉也倒曳其輪殺其勢緩其進戒用剛之  
過也剛過則好犯上一无上字而順不足唐之郭子儀  
李晟當艱危未濟之時能極其恭順所以為得正而能  
保其終吉也於六五則言其貞吉光輝盡君道之善於  
九二則戒之恭順盡臣道之正盡上下之道也○朱子  
曰以九二應六五而居柔得中為能自止而不進得為  
下之正也故纂註蔡氏曰以剛居中上應六五有才濟  
其象占如此難者也然以剛應柔易生陵忽之心  
故能緩其所以行乃得正而吉也○李氏舜臣曰既濟  
曳輪濡尾在初爻未濟初既濡尾矣而二猶曳其輪以  
時不同也然此爻於五剛柔相應雖在險中未可驟進  
惟守正待時剛中之才終可濟安得不吉○馮氏椅曰

未濟綠既濟立象故濡尾濡首兩卦既同而伐鬼方與曳其輪先後一位爾蓋未濟之二乃既濟之五未濟之四乃既濟之三其爻之剛則然也所不同者時與位之異故吉凶異焉○熊氏曰坎有輪象離有牛象而曳之既濟坎在外初與四應故離自內曳之欲其得所止也未濟坎在內五與二應故離自外曳之欲其出於險也○雙湖先生曰二五互既濟二即既初故象同二不貞故戒

### 六三未濟征凶利涉大

### 川集解

程子曰未濟征凶謂居險无出險之用而行則凶也必出險而後可征三以陰柔不中正之才

而居險不足以濟未有可濟之道出險之用而征所以凶也然未濟有可濟之道險終有出險之理上有剛陽之應若能涉險而往從之則濟矣故利涉大川也然三之陰柔豈能出險而往非時不可才不能也○朱子曰陰柔不中正居未濟之時以征則凶然以柔乘剛將出乎坎有利涉之象故其占如此蓋行者可以水浮而不

可以陸走也或疑利字上當有不字

**纂註**

劉氏彌節曰六三居險之極未

濟又求進焉凶可知矣烏能涉大難乎既曰未濟征凶

又曰利涉大川文義相背本義或疑利字上有不字為

得之大抵未濟下三爻皆未能出險三與初爻皆陰柔

才不足以濟險九二剛中才足以濟險時未可進守貞

則吉以此推之三非利涉可知矣○李氏舜臣曰六爻

俱失位而又三征凶豈非未濟之時以征則凶而居貞

則吉者乎○馮氏椅曰蓋上六无應不可以往則坎未

能出故不利涉也○雙湖先生曰自三至五又有互體

之坎故又**九四貞吉悔亡震用伐鬼方三年有賞于大**

**國**有大川象

○音訓震晁氏曰震字漢名臣奏

**集解**

程子曰九四

之位上有虛中明順之主又已出於險未濟已過中矣

有可濟之道也濟天下之艱難非剛健之才不能也九

雖陽而居四故戒以貞固則吉而悔亡不貞則不能濟  
有悔者一无者字也震動之極也古之人用力之甚者  
伐鬼方也故以為義力勤而遠伐至於三年然後成功  
而行大國之賞必如是乃能濟也濟天下之道當貞固  
如是四居柔故設此戒○朱子曰以九居四不正而有  
悔也能勉而貞則悔亡矣然以不貞之資欲勉而貞非  
極其陽剛用力之久不能也故

**纂註**

鄭氏剛中曰四居  
互坎之中動成震

為伐鬼方三年而受賞之象  
故以威震為義○程氏曰震為雷天之威也用伐鬼方  
此大臣贊其興衰撥亂者有賞於大國蓋以大國賞功  
也○徐氏曰下履乎坎有難未濟亦有鬼方之象○馮  
氏椅曰鬼方初六也有賞六五大君也大國本爻之位  
陽為大位為國也○陳氏友文曰既濟之三離之上也  
未濟之四離之下也二爻正當濟難之地故象討伐但  
既濟言高宗未濟則受命出征者耳○齊氏曰既濟九  
三伐鬼方鬼方在南三互離之初也未濟九四伐鬼方

四亦當離之初也○雙湖先生曰三年離三爻象

六五貞吉无悔君子之光有

孚吉集解

程子曰五文明之主居剛而應剛其處得中虛其心而陽為之輔雖以柔居尊處之至正

至善无不足也既得貞正故吉而无悔貞其固有非戒也以此而濟无不濟也五文明之主故稱其光君子德輝之盛而功實稱之有孚也上云吉以貞也柔而能貞德之吉也下云吉以功也既光而有孚時可濟也○朱子曰以六居五亦非正也然文明之主居中應剛虛心以求下之助故得貞而吉且无悔又有光輝之盛信實而不妄吉也纂註李氏光曰九二中正之臣為之正應四而又吉也纂註上二陽相與夾輔能虛已而任用之故貞吉而无悔也○林氏曰四應在初故先悔而後亡五應在二故貞吉而无悔○蔡氏曰文明之主故稱君子之光下得二四恭順剛明之臣故言孚吉○雙湖先生曰光謂象管輅曰日中為光朝日為輝有孚六五以中

虛為孚上九則以剛實為孚矣  
上九有孚于飲酒无咎  
曰貞吉者亦戒之以正則吉也

# 濡其首有孚失是集解

程子曰九以剛在上剛之極也  
居明之上明之極也剛極而能

明則不為躁而為決明能燭理剛能斷義居未濟之極  
非得濟之位无可濟之理則當樂天順命而已若否終  
則有傾時之變也未濟則无極而自濟之理故止為未  
濟之極至誠安於義命而自樂則可无咎飲酒自樂也  
不樂其處則忿躁隕穫入于凶咎矣若從樂而耽肆過  
禮至濡其首亦非能安其處也有孚自信於中也失是  
失其宜也如是則於有孚為失也人之處患難知其无  
可奈何而放意不反者豈安於義命者哉○朱子曰以  
剛明居未濟之極時將可以有為而自信自養以俟命  
无咎之道也若縱而不反如狐之涉水而濡其首則過  
於自信而附錄朱子語未濟九四與上九有孚皆不可  
失其義矣曉只得且依稀如此說易說取狐為象

上象頭下象尾淵未濟看來只陽爻便好陰爻便不好  
但六五上九二爻不知是如何蓋五以得中故吉上九  
有可濟之才又當未濟之極可以濟矣亦云不吉更不  
可曉輝問未濟上九以陽居未濟之極宜可以濟而反  
不善者竊謂未濟則當寬靜以待九二九四以陽居陰  
皆能靜守上九則極陽不中所以如此先生云也未見  
得如此大抵時運既當未濟雖有陽剛之才亦无所用  
况又不得位所以如此問居未濟之時未可以動作  
初六陰柔不能固守而輕進故有濡其尾之吝九二陽  
剛得中得正曳其輪而不進所以貞吉曰看來只是如  
此大槩難曉某之解也且備禮依衆人解說又曰坎有  
輪象所以說輪大槩未濟之下卦皆是未可進用濡尾  
曳輪皆是此意六三未離坎體便也不好到四五已出  
乎險方好六又不好了又曰濡首分明是狐過溪而濡  
其首今象却云飲酒濡首皆不可曉未濟與既濟諸  
爻頭尾相似中間三四兩爻如損益模樣顛倒了它曳

輪濡尾在既濟為无咎在此卦則或吝或貞吉這便是不同了並易說兩卦各自說濡尾濡首不必拘說在此言首在彼言尾大槩既濟是那日中銜晡時候盛了只是向衰去未濟是那五更初時只是向明去聖人當初見這箇爻裏有這箇意思便說出這一爻來或是從陰陽上說或是從卦位上說這箇說得散漫不恁地逼拶它它這箇說得䟽到它密時盛水不漏到它䟽時䟽得无理會若只要就名義上求它便是今人說易了大失它易底本意它周公做這爻辭只依稀地纂註林氏曰見這箇意便說這箇事出來大段散漫淵纂註坎為酒象離中虛飲酒象濡首沉溺之形○徐氏曰濡坎象首上象○丘氏曰飲而至於濡首則昔之有孚者今失於是○蔡氏曰五為濟主三四助之已成濟功矣已獨處上无所用力惟於飲酒自樂不妄生事乃為无咎又曰既濟之後必亂故主在初卦而亨取二未濟之後必濟故主在上卦而亨取五又曰坎者陰陷陽而陽難離者



陰麗陽而陽明是坎雖陽卦而陽不得用離雖陰卦而陽猶得用故既濟未濟名義主坎以坎陽卦也其亨主離以離陽得用也○劉氏彌邵曰未濟下三爻未出險初濡尾二曳輪三征凶上三爻已出險矣四志行五有孚吉上有孚飲酒而已既濟吉少凶多未濟吉多凶少雖吉未嘗不戒也○李氏過曰聖人設卦必終於未濟者所以寓生生不窮之意也未濟易之終上九未濟之終生生不窮之理在是夫亂者治之基治者亂之伏未濟之極豈終不濟哉以上九之材言終於必濟矣又曰未濟不如既濟之初既濟不如未濟之終○馮氏椅曰嘗聞之天包地外天如雞子地如卵黃此以象言也洛書之數自一至九偶數在奇數之中大衍之數五十其用四十九蓋奇數則生生不窮也易之爻三百八十四始於乾之初九終於未濟之上九九又生一其數不窮而偶爻包伏於奇數之內此造化自然之數也又曰過之大故繼之以坎離之全過之小故繼之以坎離之交

○真氏曰案程傳自需有孚至此又論孚信之義无一不切於用者其間雖論人君之事然在人臣亦无不可用者皆當熟玩而服膺焉

**大象傳火在水上未濟君子以慎辨物居**

**方集解**

程子曰水火不交不相濟為用故為未濟火在水上非其處也君子觀其處不當之象以慎處

於事物辨其所當各居其方謂止於其所也○朱纂註

子曰水火異物各居其所故君子觀象而審辨之

**纂註**

蔡氏曰慎坎象辨離象○耿氏曰既濟未濟之所以不同者分定於亂耳故君子慎辨物使物以羣分慎居方使方以類聚如此則分

**彖傳未濟亨柔得中也集解**

程子

定而不亂為既濟矣

日以卦才言也所以能亨者以柔得中也五以柔居尊位居剛而應剛得柔之中也剛柔得中處未濟之時可以亨也○朱子

**附錄**

朱子語問未濟所以亨者謂之未濟便是有濟之理但尚遲遲故謂

曰指六五言

之未濟而柔得中又自有亨之道曰然學履

**小狐汔濟未出中也集解**

程子曰據

二而言也二以剛陽居險中將濟者也又上應於五險非可安之地五有當從之理故果於濟如小狐也既果

於濟故有濡尾之患

**附錄**

朱子語小狐汔濟汔字訓幾與井卦同既曰幾便是未濟

未能出於險中也  
未出中不獨是說九二爻通卦之體皆是未出乎坎險所以未濟學履

**濡其尾无攸利不**

**續終也集解**

程子曰其進銳者其退速始雖勇於濟不能繼續而終之无所往而利也

**附錄**

朱子語不續終也是首濟而尾濡不能濟不相接續去故曰不續終也狐尾大濡其尾則濟不得矣學蒙雖

**不當位剛柔應也集解**

程子曰雖陰陽不當位然剛柔皆相應當未濟而有與若能重

慎則有可濟之理二以汔濟故濡尾也卦之諸爻皆不得位故為未濟雜卦云未濟男之窮也謂三陽皆失位

也斯義也聞

**附錄**

程子語先生過成都坐於所館之堂之成都隱者讀易有造榻者前視之指未濟卦問

焉先生曰何也曰三陽皆失位先生異之問其姓與居則失之矣易傳曰聞之成都隱者西室所聞云田夫釋

耒者誤時氏拾遺○朱子語見張欽夫說伊川之在涪也方讀易有籀榻人以此問伊川不能答其人云三陽

失位伊川謂是不知此語火珠林上已有蓋伊川未曾看雜書所以被它說動了淵纂註馮氏曰

不當位而剛柔皆應苟能協力以濟亦可致亨未濟者終濟矣小象傳濡其尾亦不知

**極也集解**

程子曰不度其才力而進至於濡尾是不知之極也○朱子曰極字未詳考上下韻亦不

叶或恐是敬

**附錄**

朱子語極字猶言極則又曰猶言字今且闕之界至之謂或云當作拯字易說纂

**註**

雷氏曰初六知始之欲濟而不知終之不能續故曰亦不知極也極者終窮之謂九二貞吉

中以行正也集解

程子曰九二得正而吉者以曳輪而得中道乃正也○朱子曰九居二本

非正以中故得正也

未濟征凶位不當也集解

程子曰三征則凶者以位不當也謂

陰柔不中正无濟險之才也若能涉險一无險字以從應則利矣

纂註

毛氏曰六爻皆不當位而獨言

於此爻蓋九二九四以不純用其剛五吉而六五又以柔中而亨各因爻取義獨此爻以非其人而居其位也

貞吉悔亡志行也集解

程子曰如四之才與時合而加以貞固則能行其志吉而悔亡

鬼方之伐貞之至也

君子之光其暉吉也

○音訓暉陸氏曰字又作輝

集解

程子

日光盛則有暉暉光之散也君子積充而光盛至於有暉善之至也故重云吉○朱子曰暉者光之散也飲

酒濡首亦不知節也集解

程子曰飲酒至於濡首不能節之甚也所以至如是不能

安義命也能安

**纂註**

李氏過曰上篇首乾坤終坎離下則不失其常矣

地之道不過陰陽五行之用莫先於水火上篇首天地陰陽之正也故以水火之正終焉下篇首夫婦陰陽之交也故以水火之交終焉○李氏舜臣曰陰陽之氣往來乎天地之間或不能無過差故聖人作易大過之後繼之以坎離者陰陽之中所以救大過之弊也小過之後繼之以既濟未濟者即坎離之中所以救小過之弊也○雙湖先生曰今觀六十四卦反對之序上經自乾至離共用十八卦反對為三十卦下經自咸至未濟亦用十八卦反對為三十四卦有十八變而成卦之象乾數九二九為十八坤數六三六亦十八乾奇其畫六坤偶二六十二合之則為三六亦十八然上下經豈無以為之主者乎蓋嘗思之天地為萬物之祖乾坤為六十四卦之祖不易之論也然以六十四卦分上下經則乾坤為上經之首即為上經之主而終之以坎離餘震艮

巽兌與坎離之餘卦皆其遇也故八卦各體散見於上經者乾坤最多各有十二而震艮各七巽兌各四坎八離六而已以咸恒為下經之首即為下經之主艮兌巽震是也而終之以既未濟亦坎離也餘乾坤坎離皆其遇也故八卦各體散見於下經者兌巽最多各十有二震艮各九而乾坤各四坎八離十而已此上經自坎離外无一卦无乾坤下經自既未濟外亦无一卦无艮兌震巽上經自乾坤之後三陰三陽之卦凡六乃乾坤之三變否泰乾坤之三陰三陽交不交也隨蠱乾坤之三陰三陽雜居也噬嗑賁乾坤之三陰三陽分布也餘則乾坤兩體各司諸卦下經自咸恒而後艮兌震巽相重之卦亦凡六乃咸恒之三變損益咸恒之首變咸變盡為損而艮上兌下恒變盡為益而巽上震下猶上經之有泰否也漸歸妹咸恒之再變咸恒之下二體艮巽合而為漸咸恒之上二體兌震合而為歸妹猶上經之有隨蠱也中孚小過咸恒之三變咸恒上下二體交互相

重以咸下體艮遇恒上體震則為小過以咸上體兌遇恒下體巽則為中孚亦猶上經之噬嗑賁也餘則艮兌巽震各司諸卦焉然乾坤三變必一吉而一凶泰隨賁吉而否蠱噬嗑凶矣咸恒三變亦必一吉而一凶益漸中孚吉而損歸妹小過凶矣或曰乾坤艮兌巽震分主上下經固也而上經屯蒙隨蠱噬嗑賁頤大過八卦乃艮兌巽震之合无乾坤正體下經遯壯晉明夷夬姤萃升八卦乃有乾坤非盡艮兌巽震之合體文王序卦何不徑以十六卦兩相博易則非特上經自坎離外无一卦无乾坤正體而下經自既未濟外艮兌巽震兩兩相從正體之外无間斷今下經晉明夷无艮兌巽震之正體只有互體之艮震不亦可乎曰聖人之智豈不及此而必為是者其意識不欲使上下經截然為乾坤截然為艮兌巽震於以見男女有從父母之象父母有臨男女之象而又不害其為上下經雖不盡有主卦之正體而亦未嘗无可取之乾坤艮兌巽震乎上經屯蒙有




互體坤隨蠱噬嗑賁頤大過賁分具乾坤三陰三陽之  
體下經晉明夷有艮震互體此猶分陰分陽陰陽又互  
為根正易之妙處衆人固不識也以此求之庶乎可以  
竊窺文王之心而其問關節脉理之通默而識之又存  
乎其  
人焉


周易經傳集程朱解附錄纂注卷十一

謹案第九頁後三行周官五凡刊本凡訛机今改  
第十六頁後一行此坎水得免澤而止者也刊本  
止訛正案文改

第二十五頁後七行繫辭中又說從別處去刊本  
繫訛係今改

第二十六頁後二行以居說極刊本以訛亦據本  
義改





總校官庶吉士 臣 張能照

校對官檢討 臣 王福清

謄錄監生 臣 王世臣